

## **Iburunangepta timbiņ rapar Outna kam**

Gan timbiņ rapara mina tiratnanna, anna kabena Iesusa riṗacrena laiplacar ndeida, mina ndorita ritipaikca mo irikna mori, na anna gaind, ramtair ndeida mina ritipaikmo, mo irikrina, na minmo makukara neaņrina. Na gan timbiņ rapara ma mina ritipaikca mo gagrana. Ainda moca ma aiņir anikca Raraņ Aetaniaca Karais Iesusa morinanna kamb ndoprenan. Na Karais, ma ndo niņgikca aimo Raraņ Aetaniacna tipemb kirarir gidkar wandacrena.

Na gan timbiņ rapara ma reik anik mbonkacna kamb ndoprena. Out ņgoinna ma gaindoprina, Iesusa ma Raraņ Aetaniacna Nuoc ņgoin. Na an minna ma gan tiacarpaikca eacrinanna, ma makukarapa gigirar witta aņgiatna. Na an tipna kirar mbuņa Raraņ Aetaniaca Iesusmo moca ma meikramtairmo otacna outna ramoot ņgoin ndarurina. U gan timbiņ raparna sapta 2 wes 10na inikca wat. Ainda moca Iesusa ma an atuna rambca morina ramtairapa, mbaiņna aiņa morena ņerņgaurapa, Moses ņgoin tocmo, ma minmo kunda tamuņmbai. Na anna iņmbaia ma aindoprina, Raraņ Aetaniac, ndo ņgoinna Iesusmo larapaca ma iarwarna taup ndamootta eacraņnandet, na ma Iudana taup ndamtairmo kunda tamuņmbai. Na mana ma- maia ma aindoprina, Iesusa ma tamuņna auņna taup ndamoot paņan aniac ndeacrenan, na meikramtaira manmo riṗacrenanmo, ma minmo

mac nda anjina min ngoin. Na Tip Wandikca mbembendeina tipemb kirarirna kambca mbo-prenanna, anna mina an ainjir anikca Iesusa moatna kam roor nakerena.

Na gan timbiņ rapara ma meikramtairta ritipaca moi gagarana. Aintik ma atuna Israelna meikramtairta ritipac gagarana kamb witmo wandacrina. Na u gan timbiņ raparna sapta 11na inikca wat. Na ma aindoprina, titocna makukca minmo laru te, mina ndorita ritipacmo utiņa taņca mina menacnandet. Na mina Iesusmo watrapaca mana tipemb kirarirmo ranjairaj. Na an makukarapa, gigirarap mina anjirenanmo, mina anmo iukairaj.

## **Iesusa mbaiņa aiņa morena ņerņgaurmo tamuņmbai ngoin**

(1—2)

*Raraņ Aetaniacna Nuoca ma aimo kambca neaņrinan*

<sup>1</sup> Atu ngoinna kidrikar witapa, tipemb kirarir wit puņga Raraņ Aetaniaca aina nicar ņgamrirmo, kambmo rambca morina ramtairta para tikca mina mbopatna.

<sup>2</sup> Na mandeacna min mbuņ, reik mamaina raipaik, Raraņ Aetaniaca ma kammo ndona Nuocna para tikca aimo mboprinan. Na ma reikmo muruņcamiņa anjina moca, ma an Nuocmo ma larapacatna. Na Raraņ Aetaniacapa, mana Nuocna par mbuņa gan tiacarpaikapa, riac motocmo moca laruatna.

<sup>3</sup> Na an Nuoca ma Raraŋ Aetaniacna memetacna tac aniac wandacrinan. Na ma ndo ŋgoinna Raraŋ Aetaniacna kirar toc. Na mana kamma ma gargarap, na an kam mbuŋa ma reikmo muruŋcamiŋa moca, mina gagraca eacrenan. Na ma meikramtairta tipemb ŋgorikta makukarmo, moa kecarica minmo ratta mona, na ma ndona aiŋa moa korwirinan. Ri, ma tanŋa par umbaina Gagrirta Ramoot Paŋanna mbiracrena auŋ tamuŋna taupca mbiracrinan.

*Raraŋ Aetaniacna Nuoca mbaiŋna aiŋa morena ŋerŋgaurmo tamuŋmbai ŋgoin*

<sup>4</sup> Na Aetta ma ndona Nuocmo an i neaŋrinan, an ia anna ma laŋ ŋgoin, na ma mbaiŋna aiŋa morena ŋerŋgaurta irembmo kunda tamuŋ ŋgoin ndeacrena. Ainda moca ma an Nuocmo, Kacoot ŋgacatna, na mina mana kaŋgauk ndeacrena.

<sup>5</sup> Na atua Raraŋ Aetaniaca ma ndona Nuocmo gaindopatna,

“U aukna Nuoc.  
Na mandeaca aku una Aet ndarurina.”

Ri, ma gaind mac mambopat, “Na aku mana Aet ndeacraŋnandet, na ma aukna Nuoc ndeacraŋnandet.” Ainda moca Raraŋ Aetaniaca titocna mbaiŋna aiŋa morena ŋeron ianmo aintocna kam ndopatna? Wanaiŋ ŋgoin.

---

**1:3** Up 2.33-34, na 2 Ko 4.4, na Kol 1.15-17, na 1.20, na Ib 8.1, na KIEK 4.11    **1:4** Epe 1.21, na Pil 2.9-10    **1:5** 2 Sml 7.14, na 1 Nin 17.13, na Ŋap 2.7, na 89.26-27, na Up 13.33, na Ib 5.5

<sup>6</sup> Na an minna ma ndona guina Nuocmo gan tiacarpaik naanġia kġprinanna, Raraġ Aetaniaca ma gaindopatna, “Raraġ Aetaniacna mbaiġna aiġa morena ġerġgaura muruġcamiġa manmo tutpemb riġbitca mana imo aġġi ġgep.”

<sup>7</sup> Na Raraġ Aetaniaca ma an mbaiġna aiġa morena ġerġgaurta moca ma minmo gaind malamġiat, na ma kammo gaind mambopat,

“Ma ndona mbaiġna aiġa morena ġerġgaurmo  
 watna kirar toca moca  
 mina aintan toco ndarurina.  
 Na ma ndona aiġa morena ramtairmo  
 tacna mimna kirar toca moca larurenan.”

<sup>8</sup> Na ma Nuocmo gaindopatna,

“Raraġ Aetaniac,  
 u ġagrirta ramoot,  
 u memetmbaca iarwara eacraġnandet.

Na u ndona meikramtairmo  
 tipemb kirarir wandoik  
 laiġ tiġġik mbuġa bubuocrenan.

<sup>9</sup> Na u tipemb kirarir wandoik laiġ tiġġikca  
 toġgorenan,  
 na tipemb kirarir ġgorikmo,  
 u mba toġgorenan ġgoin.

Aintik una Raraġ Aetaniaca  
 ma ndo una paġanmo tabairmo ruġkirinan,  
 na unmo ma larapacatna,

---

**1:6** TW 32.43, na ġap 97.7, na Ro 8.29, na Kol 1.18, na 1 Pi 3.22,  
 na KIEK 1.5    **1:7** ġap 104.4    **1:8** ġap 45.6-7    **1:9** Ais 61.1,  
 na Up 4.27, na 10.38

moca u irembapna ramootna kirar toc  
 ndaruatna.  
 Na anna ndo unmo moca  
 u tonjon ngoin.  
 Na una aikora  
 mina un tonjorena minna mba  
 tonjoidnai.”

<sup>10</sup> Na ma Nuocmo gaind mac mambopat,

“Kacoot, atu ngoinna  
 u gan tiacarpaikca moca  
 ma eacrenañ.  
 Na una par mbuñ ngoinna,  
 u tamuna auna reikapa riacmo u moat-  
 nan.

<sup>11</sup> Na gan tiacarpaikapa riaca  
 mainandet,  
 na u memetmbaca eacrañnandet.

Na manija  
 raranjit bagarna kirar toc ndaruca  
 mumutacarinande.

<sup>12</sup> Na u manijmo  
 racaep toco rukumnandet.

Na u manijmo ramootta  
 tik ngapaoc toc ngetrikirena kirar toc.

Na u aind ningik ndeacrañnandet,  
 u mba ngetrikirenan.

Na u mba menacitndait.”

<sup>13</sup> Na atua Raranj Aetaniaca mana Nuocmo  
 gaindopatna,

---

**1:10** Njap 102.25-27    **1:11** Ais 34.4, na Mt 24.35, na 2 Pi 3.7, na  
 3.10    **1:13** Njap 110.1, na Mt 22.44, na Mk 12.36, na Lk 20.42

“U aukna par umbaia mbirac te,  
aku una puñnanjepmo  
una kangaukca tiknande.”

Na Rarañ Aetaniaca titocna mbaiña aiña  
morena ñerñgaurta ianmo an kam ndoprinan?  
Wanaiñ ngoin.

<sup>14</sup> Na mbaiña aiña morena ñerñgaura, mina  
ñerñgaur tingik, na mina Rarañ Aetaniacna aiña  
morenan. Na ma minmo mandaca mina tanja  
an meikramtaira, ma minmo nda anñinanmo  
otacrenan.

## 2

*Rarañ Aetaniaca aimo mac nda anñirinanna  
anna reac aniac ngoin*

<sup>1</sup> Na Rarañ Aetaniacna Nuoca ma i aniac  
ngoinna anñirenan. Ainda moca an kamma aia  
waracrinanna, aia ndorita nikinik iroar inkarmo  
utiñ gagraca mamó matau ranjai. Moca aia  
ñateca an kam lañmo mba ranjaiit, na aia  
ndarekrekke nari.

<sup>2</sup> Na atu ngoinna Rarañ Aetaniaca ma  
kammo aina nicarmo, mbaiña aiña  
morena ñerñgaurta para tikca mina minmo  
neañrinanna, na an kamma ma gagraca  
eacrinanna. Te, meikramtaira mandaia an  
kammo waracna karirinan, na an kammo  
nda mboprinanna, mina an opoik ñgoreaca

---

**1:14** Ñap 34.7, na 91.11, na Mt 18.10, na Up 12.7, na Ro 8.17, na  
Ie 2.5, na 1 Pi 3.7     **2:2** Ñap 68.17

mina morena tipemb ngorikta minna mina maanġiat.\*

<sup>3</sup> Aintik Raraġ Aetaniaca ma aimo mac nda aġġina aiġ ianna morenanna, na an mana aiġa anna reac aniac nġoin. Aında moca aia mana aiġmo iġ neaġ te, aia titoca kipcarica tip nġoreacna opoikca mba aġġiit? Aia towanaiġ nġoin.

Na atua Kacootta ma ndo nġoinna aimo mac nda aġġina kammo ma wiwitiatna. Na ramtaira mana kammo waracrinanna, mina aimo gaindopatna, “An kamma ma wandoġ niġġik.”

<sup>4</sup> Aintik Raraġ Aetaniaca ma ainta nġagatracarapa, ainta aiġir anikca mina tamtam ndamġirenanna morinan. Na Nġeroġ Ratna opotacna reac laġ, ma ndona toġgorina minna ma meikramtairmo biġaia neaġrinan. Na an tipna kirar mbuġa ma ndo Nuocna kammo wandacrinan, na anna wandoġ, wandoġ nġoin.

*Jesus niġġikca ma ndo aimo mac nda aġġina ramoot*

---

\* **2:2** Na an kam tipca Raraġ Aetaniaca Mosesmo neaġrina Tip Wandikna kambca mina an ndoprena. Na anna timbigta kap, Nda Aġġiatna sapta 19 taġca sapta 20na minna wat. Na an Nda Aġġiatna timbigta kapna inikca mbaiġna aiġa morena nġeroġna kambca mba mbopri, na Iudanangepca mina gainda ripacrina, Raraġ Aetaniaca ma mbaiġna aiġa morena nġeroġmo Tip Wandikmo mina para tikca mina Mosesmo neaġrinan. Na Iesusna Up Aġġirena Ramtairta Aiġna Nininina Timbigta Kap sapta 7 wes 38, na sapta 7 wes 53, na Galesia sapta 3 wes 19 tocmo u watnandet, an kam tip toco an ndeacrena. **2:3** Mt 4.17, na Mk 1.14, na Lk 1.2, na Ib 10.28-29, na 12.25 **2:4** Mk 16.20, na Up 2.22, na 14.3, na 1 Ko 2.4, na 12.4, na 12.7, na 12.11, na Epe 1.5, na 1.9

<sup>5</sup> Na tiacarpaik ṅgamma Raraṅ Aetaniaca mo ndoprinanna aia lamṅinandet, ma mbaiṅna aiṅa morena ṅeṅgaurmo anna bubuocna mba tikaṅke. Wanaiṅ.

<sup>6</sup> Na Raraṅ Aetaniacna timbigta kapna inikca ramoot ianna aindopatna,

“Na ramootta kaina reac,  
na u manmo lamṅirenan?”

Na kaina moca u manmo matau bubuocrenan?

<sup>7</sup> Na kidrik tekemmotemma  
u ramootmo mbaiṅna aiṅa morena  
ṅeṅgaurta kaṅgaukca tikrinan.

Na u manmo aṅgi ṅgeprinan,  
na u manmo i aniacapa gargar neaṅrinan.

<sup>8</sup> Na u ramootmo larapacrinan,  
na ma an un morina reikmo muruṅcamiṅa  
bubuocna.

Na reikmo u muruṅcamiṅa mana kaṅgaukca  
tikrinan.”

Ainda moca an kamma Raraṅ Aetaniaca reikmo mana kaṅgaukca tikrinanna, anna ma ainda wandacrinan, ma reac ianna wanaiṅa mba tika mana kaṅgaukca mba eacrenanna. Aintik mandeaca reikca mana kaṅgaukca mba eacrenanna,

---

**2:5** Ib 6.5, na 2 Pi 3.13    **2:6** Iop 7.17, na ṅap 144.3    **2:6** ṅap 8.4-6    **2:8** Mt 28.18, na 1 Ko 15.25-27, na Epe 1.22



na aia mba watreke. Wanaij.†

<sup>9</sup> Ainda moca aia watrinanna, Iesusa i aniac ngoinna angiatna. Na atuna, kidrik motemma ma mbaijna aiña morena nerngaurta kangauk ndeacrina. Te, ma meikramtairmo mina muruŋcamiŋna taup angiaca menac te, Raraŋ Aetaniacna kakadmaica meikramtairmo muruŋcamiŋ ngotacnandet. Ri, Iesusa girgir aniac aŋgiaca mamenacat, ainda moca Raraŋ Aetaniaca manmo angi ngepca mammo i aniacapa gargar neanŋatna.

<sup>10</sup> Na Raraŋ Aetaniaca ma reikmo muruŋcamiŋa morinan, na an reikca anna manan. Ainda moca ma ndona mombonik witmo reik laiŋ, laiŋ koind neanŋa, mina laiŋ ndeacnandet. Na Raraŋ Aetaniaca ma tonŋorinanna, Iesusa ma meikramtairmo nda anŋina aiña mo ngepnan, ri, ma wattacarica Iesusa girgirna makukara mbukatna, na an girgir mbuŋa ma Iesusmo outta riaca larapaca ma meikramtairmo otacatna. Na an tipna kirara Raraŋ Aetaniaca morinanna anna wandoŋ ngoin.

<sup>11</sup> Na aia lamjirenan, an ramoot Iesus, ma meikramtairmo moca mina Raraŋ Aetaniacna

---

† **2:8** Gan kamma ma Nɔparta timbigta kapna inik ndeacrena, na ma meikramtair muruŋcamiŋna kamb ndoprena. Na an ramootta Iburuna timbiŋ rapara tirrinan, ma gaind ndamjirina, Iesusa ma ramootna kirar toc ndaruca, ma meikramtair muruŋna taup anŋirina. Ainda moca an Nɔparta timbigta kapna kambca ma Iesusmo larurina reikta kambmo wandoŋa mboprina. **2:9** In 3.16, na Ro 5.18, na Pil 2.7-9, na 1 Ti 2.6, na 1 Io 2.2, na KIEK 5.9 **2:10** Lk 24.46, na In 20.17, na Up 3.15, na Ro 8.29, na 11.36, na Ib 5.9, na 10.10 **2:11** Mt 25.40, na Mk 3.35, na In 20.17, na Up 17.26, na Ro 8.29, na Ib 10.10

wiwitta larurinanna, ma an meikramtairmo moca mina rat mac nda malaruri, na minapa, manap, mina muruᅇa aet kabe ningikap. Ainda moca ma minmo aind ᅇgacrenan, “Laiplacar.” Na ma minmo ainda ᅇgacrenanna ma numbira mba morenan.

<sup>12</sup> Ri, ma gaindoprinan,

“Aku una imo  
 aukna laiplacarmo wiwitinandet.  
 Na mina una mbendeina mo te,  
 aku mina rikmo  
 una i anᅇi ᅇgepna ᅇap ᅇgumnandet.”

<sup>13</sup> Ri, ma gaind mac mbopatna, “Raraᅇ Aetaniacmo, mo ndoprina reik, aku mana para tikcarica lambica, watna.” Na ma gaind mac mbopatna, “An mombonikca Raraᅇ Aetaniaca aukmo nearᅇrinanna, aku minap eacnandet.”

*Iesusa ma ramoot ndaruca ma aimo otacatna*

<sup>14</sup> Ainda moca an mombonikca Iesusa mbo-prenan, anna mina meikramtair tinᅇik. Aintik Iesusa ma toco, ma mina kirar toco ndarurina, na ma menacna min. Na an tip kirar mbuᅇa ma Paparuna Ramootmo, mo ᅇgocraina min. Na Paparuna Ramootta ma meikramtaira mo menacna gargarap.

<sup>15</sup> Ainda moca meikramtaira mina memenacna nanambirenan, na memetmbaca mina gan tiacarpaikca eacrenanna, an namnaimbca

---

**2:12** ᅇap 22.22    **2:13** ᅇap 18.2, na Ais 12.2, na In 17.6, na 17.9-12    **2:14** In 1.14, na 12.31, na Ro 8.3, na Pil 2.7, na Kol 2.15, na 1 Io 3.8, na KIEK 12.10    **2:15** Ro 8.15, na 2 Ti 1.7

minmo moca mina Paparuna Ramootna kac ngoreaca eacrena kirar. Na Iesusa men-acrinanna, ma minmo an kac ngoreac tikcarina morinan.

<sup>16</sup> Na gidik ngoin, Iesusa mbaijna aiya morena nerngaurmo otacna aiya mba morinanna, wanaij. Ma Abraamna wiwitna nicar ngamrirmo otacna aiya morinan.

<sup>17</sup> Na anna miniya gaid, an reicka muruncamiya mana laiplacarta kirar toca larunandet. Te, ma mina taup ndamoot pañan aniac ndeaca Rarañ Aetaniacna aiya morañndet. Na ma taup ndamoot pañan aniac ndaruca meikramtairmo kadmaica, Rarañ Aetaniacna kammo muruñ rangairenanna, ma mana aiñira morenan. Na an aiya meikramtairta tipemb ngorikta makukara mo kecarina aiñ. Te, Rarañ Aetaniaca minmo mba nikkatitndai.

<sup>18</sup> Na totowaira manmo larurinan, na ma an gigirar anjirinan. Aintik meikramtairmo totowaira laru te, ma minmo otacna min.

## **Iesusna i aniaca Mosesna i aniacmo kunda tamuñmbai ngoin**

### **3**

(3.1—4.13)

*Iesusna i aniaca Mosesna i aniacmo kunda  
tamuñmbai*

---

**2:16** Ais 41.8-9    **2:17** Pil 2.7, na Ib 2.14, na 4.15, na 5.1-2, na 1 Io 2.2, na 4.10    **2:18** Ib 4.15-16, na 5.2, na 7.25

<sup>1</sup> Na aukna Iesusa ripacrena laiplacar ratar, Tamuɲna Auɲna Raraɲ Aetaniac, ma nen motoco eacrenan. Aintik ne Iesusmo matau lamɲiraɲ, ma aina an Up Angirena Ramootapa, Taup Ndamoot Paɲan Aniac, na aia manmo ripaca mana imo mbop laruraɲ.

<sup>2</sup> Na Raraɲ Aetaniaca mammo larapaca manmo an aiɲ neaɲrinan, na ma mana kammo matau ŋgoinna raɲgairenan, na an tipna kirara Mosesa atu ŋgoinna meikramtairta rikca tikca morinan, na an wiwitta Raraɲ Aetaniacna Kacna kirar toc ndeacrena.

<sup>3</sup> Na aia lamɲirenanna, ramootta kaca morinanna mana ia tamuɲ ŋgoin, na kacna ia manmo mba kundri. Ainda moca Raraɲ Aetaniaca ma Iesusmo i aniac neaɲgatna, na ma Mosesna i aniacmo kunda tamuɲmbai ŋgoin.

<sup>4</sup> Na kaikca muruɲcamiɲa ramoot kabe, kabea anna morinan. Na Raraɲ Aetaniaca ma reikmo ma ndo muruɲcamiɲa tikca morinan.

<sup>5</sup> Na Mosesa ma Raraɲ Aetaniacna aiɲa moa eacrena ramoot, na mana kammo ma matau ŋgoinna raɲgairinan, na ma Raraɲ Aetaniacna Kacnimna wiwitna aiɲa morinan. Na aiɲa Mosesa moatnanna, iɲmbaia Raraɲ Aetaniaca an aiɲna kamma ma mbopnandet.

<sup>6</sup> Na Karaisa ma Raraɲ Aetaniacna Nuoc, na meikramtaira Raraɲ Aetaniacna Kac toc ndeacre-

---

**3:1** Epe 4.1, na Pil 3.14, na Ib 4.14, na 5.5, na 6.20, na 7.26, na 8.1, na 9.11, na 2 Pi 1.10    **3:2** Ndu 12.7    **3:3** Sek 6.12, na Mt 16.18    **3:4** Epe 2.10, na 3.9, na Ib 1.2    **3:5** Ndu 12.7    **3:6** Ro 5.2, na Epe 2.21-22, na Kol 1.23, na 1 Ti 3.15, na Ib 3.14, na 6.11, na 1 Pi 2.5

nanmo, ma min bubuocna aiṅap. Ainda moca ma mana kammo matau ṅgoinna ranḡairenan, na ma an aiṅmo morinan. Na memetmbaca aia gagraca lambica eacraṅ, na aia gagraca riṅpac, na Kacootmo lambica ma aimo laṅa mo te, ai toco Raraṅ Aetaniacna Kac toc ndeacnandet.

*Na Raraṅ Aetaniacna kammo nda mboprena meikramtaira mina wiktitikca mba anḡiitndai*

<sup>7</sup> Na aia Raraṅ Aetaniacna wiwitna meikramtair ndeacrenan, aintik aia ṅeronṅ Ratna kamma waracrena. Na ma gaindopatna,

“Mandeaca ne Raraṅ Aetaniacna  
upna kamma warac te,

<sup>8</sup> ne kai garuru teac.

Na an kirara atua nena nicar ṅgamrirca  
manmo markimb paṅainda moca  
mana kammo an kidrikca nda mam-  
bopat,  
na manmo an reik kocorta auṅa tikca towai-  
rina.”

<sup>9</sup> Na Raraṅ Aetaniaca gaindopatna,

“Aintik nena nicar ṅgamrirca aukmo,  
40na minna iarirpaikca  
aku moatna aiṅira mina mawatat.

Na anna tikca mina  
aukmo towai ndopca,  
na aukmo towairina.

<sup>10</sup> Ainda moca aku  
an meikramtairmo nikkatca,

minmo aindopatna,  
 ‘Mina iroar inkara aukmo mba  
 rangairenan.

Aintik auk babuatna taupca  
 mina memetmbaca katca tajrenan.’

<sup>11</sup> Aında moca aku nikkatca gaindopatna,  
 ‘Gidik tamuŋ,  
 mina aukna wik,  
 titikna auŋa mba mbukitndai.’ ”

<sup>12</sup> Na ne Iesusa ripacrena laiplacar, ne ndorimo matau wat, moca nena rikna Iesusa ripacrena laiplacarta ianna nikinik iro ŋgoreacapnanna, ma ndona ritipacmo kecari nari, na ma iarwarna eteacna watap eacrena Raraŋ Aetaniacmo iŋ neaŋ nari.

<sup>13</sup> Na raimo aia aindoprena, “Mandeaca niŋgik.” Aında moca ra kabe kabemo, ne kabe, kabea Raraŋ Aetaniacna meikramtairmo kam laŋ neaŋraŋ, na mina iroarmo mo ŋgep. Moca tip ŋgoreacna makukna tipna kirara nena ianmo paruca ma garuru nari.

<sup>14</sup> Na aia mandeba Raraŋ Aetaniacmo ripacrenanna, aia ritipac gargar aniacap. Aintik aia ndorita ritipaikmo aında utiŋi gagraca, taŋi mana mamamai. Na aia aında mo te, aia Karaisna ramtair koind teacnandet.

<sup>15</sup> Na aia lamŋirenan, an kam tipca ma eacrena,

“Mandeaca ne Raraŋ Aetaniacna upna kamma warac te,

ne kai garuru teac.  
 Na an kirara atua nena nicar ngamrirca  
 manmo markimb paṅainda moca  
 mana kammo an kidrikca nda mam-  
 bopat.”

<sup>16</sup> Na titocna wiwitta atua Raraṅ Aetaniacna kam upmo waracri, na mina garururi, na mana kammo nda mboprinan? Anna an meikramtaira Mosesa Isipa tikca aṅgica larurinan. Min tiṅgikca muruṅa an tipemb kirarira morenan.

<sup>17</sup> Na mandaibinmo Raraṅ Aetaniaca 40na minna iarirpaikca minmo nikkatca eacrinan? Anna an meikramtaira tipemb ṅgorikta makukara morinan, na mina menaca, meikramtair kocorta taupca mina warira tamtamma an ndeacrinan. Ande an wiwit niṅgikca ma minmo nikkatatna.

<sup>18</sup> Na titocna wiwitta Raraṅ Aetaniaca lamṅica ma gidik tamuṅ ndopatna, mina mana wiktitikna auṅa mba mbukitndai. Anna an meikramtaira mana kammo nda ipuṅrinan. Ma min ṅgoin ndopatna.

<sup>19</sup> Ainda moca aia lamṅirena, an meikramtaira mina Raraṅ Aetaniacmo mba ripacrenanna. Na an miniṅna moca mina mana wiktitikna auṅa mba mbukitndai.

## 4

*Raraṅ Aetaniacna meikramtaira wik*

*anġinandet*

<sup>1</sup> Raraġ Aetaniaca ai motocmo wiktitikna auġa aġġi taġna baburina. Ainda moca aia ndoritake matau wat, moca ma wateknanna, nena ramoot ianna an iroa mo te, ma an auġa mbukna minna wanaiġ.

<sup>2</sup> Na aia kam wembaġ laġmo waracrinan, an kirar toco Israelnanda waracrinan. Na mina warac kamainda waracrina, na mina Raraġ Aetaniacna kammo mba ripacatke. Ainda moca an kam wembaġ laġa mina waracrinanna ma minmo mba otacatke.

<sup>3</sup> Na aia meikramtaira Raraġ Aetaniacmo ripacrenanna, ma aimo mana wiktitikna auġmo watcarica aia anna mbuknandet. Na atua Raraġ Aetaniaca an auġna ndamġica ma gaindopat,

“Ainda moca aku nikkatta gaindopatna,  
 ‘Gidik tamuġ,  
 mina aukna wiktitikna auġa mba mbukit-  
 ndai.’ ”

Na anna gidik, an reacna kamma ma Mosesna min mbuġa larurinan. Na aia lamġirinan, atu ngoinna Raraġ Aetaniaca gan tiacarpaikca tikrinan, ma ndona aiġirmo kocnaia morina.

<sup>4</sup> Ainda moca mana timbigta kapna kam tip ianna an ra parmbaiapa mbut mbuniġmo gaindopatna, “An parmbaiapa mbut mbuniġna ra, Raraġ Aetaniac, ma ndona moatna reikca moa maiatke, ma an ramo wik matikat.”



<sup>5</sup> Na an kam tip mbuṅa outta aia watrinanna ma gaindopatna, “Mina aukna wiktitikna auṅa mba mbukitndai.”

<sup>6</sup> Na anna aimo wandacrinan, Raraṅ Aetaniacna wiktitikna auṅa maeacreke, na meikramtair ndeida anna mbukna min. Na an meikramtaira atua mina kam wembanṅ lanmo waracrinan, na mana kammo ipuṅrinan, mina anna mba mbukatke.

<sup>7</sup> Na inṅmbai mbuṅa iarir witca tanṅatke, an wiwitna minna, Raraṅ Aetaniaca ma Gagirta Ramoot Dewitna up mbuṅa kamma gainda tirca gaindopatna, “Mandeaca ne Raraṅ Aetaniacna upna kamma warac te, ne kai garuru teac.” Na Dewitna min mbuṅa Raraṅ Aetaniaca ma gaindopat,

“Mandeac,” anna aimo ainda wandacrina,  
 kabena ra ianna ma babuatnanna  
 meikramtaira mana wiktitikca mbukna  
 min.

<sup>8</sup> Na atua Iosua minmo wiktitikca neaṅ te, Raraṅ Aetaniaca inṅmbaia ma kabena ra nake, mba mbopitndai.

<sup>9</sup> Ainda moca aia lamṅirena, Raraṅ Aetaniacna meikramtairta wiktitikca maeacreke. Anna ma Raraṅ Aetaniacna Wiktitikna Rana kirar.

<sup>10</sup> Na aia lamṅirena, ramootta Raraṅ Aetaniacna wiktitikna taupca mbuk te, ma ndona aiṅjira korwica ma wiktikca eacrena. Na an kirar

kabea atua Raraŋ Aetaniaca ma ndona aiŋira korwica ma ndo wiktikca eacatna kirar toc.

<sup>11</sup> Aintik ai toco gagraca aiŋa moca an wiktitikca mbukna. Na ŋarikca ramoot ianna kammo nda ipuŋrena tipca raŋgai te, na an kirara Israelnanŋepca atua morinan, ma anna raŋgai te, ma anna moca irikca ma taprekenan-det.

<sup>12</sup> Na Raraŋ Aetaniacna kamma ma eteacna watap, na ma aiŋa moa gagaraca eacrenan. Na ma wirwir ŋgoin, ma bugrimna mim mbuniŋapna wiwirmo kundrinan. Na an kamma ma meikramtairmo riŋga mina nikinik iroarmo ŋai ŋgoinna mbukrenan. Na ma taŋga rugutapa ŋeroŋa eacrenanmo rikca titaca, na gagrirta metambarapa gagrirta maimnaŋar mikca eacrenanmo mbukrena. Ainda moca ma aina iroar inkarapa, toŋtoŋgarmo muruŋ ndamŋirenan, na ma ritrinandet.

<sup>13</sup> Na Raraŋ Aetaniaca moatna reac ianna mana lamniac ŋgoutta mba iŋgorocitndai, wanaiŋ ŋgoin. Reikca muruŋcamiŋa mana lamniacmo raek ŋgoin ndeacrenan. Ainda moca ai toco ndorita morena reikta kambmo Raraŋ Aetaniacna lamniac ŋgoutta tikca mbopnandet. Te, Raraŋ Aetaniaca ma ndo ŋgoinna aina tipemb kirarira ritrinandet.

## **Iesusa tamuŋna auŋ ndeacrena taup ndamoot paŋan aniac, na**

---

**4:11** Ib 3.12, na 3.18-19    **4:12** Ais 49.2, na Ier 23.29, na In 12.48, na 1 Ko 14.24-25, na Epe 6.17, na KIEK 1.16, na 19.15    **4:13** Iop 26.6, na Ŋap 33.13-14, na 90.8, na ML 15.11

## ma kam ngamma leacatna (4.14—10.38)

*Ijesusa ma aina taup ndamoot pañan aniac*

<sup>14</sup> Ainda moca aina taup ndamoot pañan aniaca maeacreke, na ma tamuñna auñ inik ngoinna mbukrina. Na ma Iesus, ma Rarañ Aetaniacna Nuoc. Ainda moca Iesusna ritipaca aia mboprenanmo aia utiñ gagra.

<sup>15</sup> Na aia taup ndamoot pañan aniacap, na ma lamñirenan, aia ndorita tipemb ngorikta makukarmo, mo irikna gargar kocor. Aintik aia tip ngoreacna makukca momoca wetwet ngoin. Na ma aina moca kadmairina. Ainda moca memetmbaca totowaiara aimo larurenan, an toco manmo muruñcamiñ ndarurina, na mamoto wairina. Na ma ndo ngoinna tip ngoreacna makuk ianna mba mori.

<sup>16</sup> Aintik aia Rarañ Aetaniacna mbibiracna outmo tañj rambuñaina min, na aia kai nanambi teac. Na ma kadmairena ramoot. Ainda moca aia man ndambuñ tañ te, aia watnandet, ma aimo kakadmaina opotaca monandet. Na aia makukap te, mana kakadmaica aimo otacnandet.

## 5

*Taup ndamoot pañan aniac Iesus ma aimo mac nda anğina min ngoin*

<sup>1</sup> Na taup ndamoot pañan aniaca larapacrena tipna kirara gaind. Rarañ Aetaniaca ma ramoot ian anğica larapacatna, an ramootta ma mana

---

**4:14** Ib 3.1, na 7.26, na 10.23  
7.26, na 1 Pi 2.22, na 1 Io 3.5  
10.19-22

**4:15** 2 Ko 5.21, na Ib 2.17, na  
**4:16** Epe 2.18, na 3.12, na Ib

aiņa moca meikramtairmo otacnan. Na taup ndamoot paņan aniacna aiņa, ma titocna reik laiņmo Raraņ Aetaniacmo neaņrenan, anna ian. Na titocna gimmbarta aiņirta tipemb ņgorikta makukara ma mo kecaririna, an toco ian.

<sup>2</sup> Na taup ndamoot paņan aniaca ma ndona tipemb ņgorikta makukarmo, mo irikna gargar kocor. Aintik an meikramtaira tipemb wandoikca lamņi ņgocortan, na Raraņ Aetaniacmo tikcarica ndorita toņtoņa taņrenan, na taup ndamoot paņanna minmo wetwetta otacrenan.

<sup>3</sup> Ainda moca taup ndamoot paņanna, ma meikramtairta tipemb ņgorikta makukarmo, mo kecarina gimmbamba morena, na ma toco ndona tipemb ņgorikta makukarmo, mo kecarina gimbam toco ma monandet.

<sup>4</sup> Na ramootta taup ndamoot paņan ndarurenanna ma i aniacap, na an aiņa ramoat ianna ndona toņtoņ mbuņa wanaiņa mba aņģirenan, wanaiņ. Raraņ Aetaniaca manmo aca ma an aiņa aņģinandet. Na an kirara atua Raraņ Aetaniaca Aronmo maacat.

<sup>5</sup> Aintik Karais motocmo an kirar kabea mamoot. Na ma ndona imo mba aņģica ņgepca taup ndamoot paņan aniaca larurinan. Wanaiņ. Raraņ Aetaniaca ndo ņgoin mbuņa manmo an aiņa mona larapacatna. Na ma manmo gaindopatna,

“U aukna Nuoc.

Na mandeaca aku una aet ndarurina.”

---

5:2 Ib 2.18, na 4.15, na 7.28      5:3 TN 9.7, na 16.6, na Ib 7.27

5:4 NA 28.1      5:5 ņap 2.7, na In 8.54, na Ib 1.5, na 1.8

**6** Na kabena kam ianmo, Raraŋ Aetaniaca aindopatna,

“U iarwarna taup ndamoot ndeacraŋnandet.

Na u Melkisedekna wiwitna kirar tocna taup ndamootta eacraŋnandet.”

**7** Na an kidrikca Iesusa gan tiacarpaik ndeacrinanna, ma Raraŋ Aetaniacmo mbendeia digirenan. Na ma lamjirenan, Raraŋ Aetaniaca manmo mac nda aŋgina min, na ma mba menacitndai. Aintik ma Raraŋ Aetaniacmo gagraca mbendeirinan, na ma gagraca aca ma aerinan. Na ma ndona toŋtoŋmo mo irikrenan, na ma Raraŋ Aetaniacna kaŋgaukca eacrenan, aintik ma mana mbembendeiarmo waracrenan.\*

**8** Na Iesusa ma Raraŋ Aetaniacna Nuoc, na ma girgir aŋgiatnanna, anna manmo moca

---

**5:6** Ɲap 110.4, na Ib 6.20, na 7.1, na 7.17, na 7.21    **5:7** In 12.27, na 17.1    \* **5:7** Na an minna Iesusa Getsemanina warija eacri,

ma Raraŋ Aetaniacmo mbendeica, manmo an makukca man ndaruna morenanmo, mo kecari. Na Matiu sapta 26 wes 36 taŋca wes 46, na Mak sapta 14 wes 32 taŋca wes 42, na Luk sapta 22 wes 39 taŋca wes 46. Na an timbigta kapna kambca aindoprina, Raraŋ Aetaniaca mana mbembendeimo waracrinan. Na anna gidik, Raraŋ Aetaniaca Iesusmo wattacarica ma menacrinan, na ma memenacmo mba wattacarica ma Iesusmo gidikca mba aŋgiri. Wanaiŋ. Raraŋ Aetaniaca ma manmo muk ndija mac nda aŋgica ngeprina, na manmo i aniaca neaŋrinan, na manmo moa taup ndamoot paŋan aniac ndaruatna. Na Iesusna Up Aŋgirena Aiŋna Nininina Timbigta Kap, sapta 2 wes 24, na Iburu sapta 2 wes 9, na Pilipai sapta 2 wes 6 taŋca wes 11na inik tocmo wat.    **5:8** Pil 2.8, na Ib 3.6

ma Raraŋ Aetaniacna kammo matau ŋgoinna ranġaia riptia aŋġirinan.

<sup>9-10</sup> Ainda moca anna ndo moca man niŋġikca ma out ŋgoinna kamma ranġaiatna ramoot. Ri, Raraŋ Aetaniaca mammo larapaca ġaindopatna, “U Melkisedekna wiwitna kirar tocna taup ndamoot paŋan aniaca eacnandet.” Aintik meikramtaira mana kamma ranġairenanmo, ma mac nda aŋġirenan, na ma min ŋgotacna ramoot ndarurina. Te, mina iarwara laŋa eacraŋnandet.

*Aia mombonik tekir toca kai eac teac*

<sup>11</sup> Na Iesusa taup ndamoot paŋan aniaca, na ma Melkisedekna kirar toc ndaruna kam wiŋ aniaca maeacreke, na aia nenmo mbopna owai ŋgoin. Nena iroar inkara mboracrenan, na mina mba piarakeri. Ainda moca aia nenmo an kamna miniŋa wandac laruna minna wanaiŋ.

<sup>12</sup> Na ne ŋġaua ritipacna laiplacar tarurinan, na an minna ne ririptina ramtair ndaruna toc, na ne towanaiŋ. Aintik mandeaca ne kabena meikramtairmo riptina towanaiŋ. Nena iroar inkara mba piarakerenan, aintik kabena ramtaira nenmo Raraŋ Aetaniacna outna kammo nenmo mac riptinandet. Aintik ne amna reac gargar amna minna wanaiŋ, ne miŋ pukca ambca maeacreke.

<sup>13</sup> Ainda moca aia lamŋirenan, mandaia miŋ puk niŋġikca ambrenan, anna mina mombonik

---

**5:9-10** Ib 2.10, na 5.6, na 11.40    **5:11** Mt 13.15, na In 16.12, na 2 Pi 3.16    **5:12** 1 Ko 3.1-3, na Ib 6.1    **5:12** 1 Ko 3.2    **5:13** 1 Ko 13.11, na Epe 4.14, na 1 Pi 2.2

tekir. Na tipemb kirarir wandoik lainṭa tipembca mina mba matau lamṅirenanna.

<sup>14</sup> Na amna reac gargara anna ainta meikramtair aniktan. Na ainta meikramtaira mina kidrik witca towaica mina tipemb lainṭa, tipemb ṅgorikta tipembca, mina garacrenan, na mina iroara piarca mina mandeaca matau ṅgoinna lamṅirenan.

## 6

*Aia gagraca lambica eac te, Raraṅ Aetaniaca aimo moi laṅa monandet*

<sup>1-2</sup> Ainda moca aia outta Karaisna anṅiatna rip-tiatna kam, niṅgik kai mikca eacraṅ teac. Na aia ainda moranṭe, anna aia kacna witapa garurmo kidrikar witta mac tikrena kirar, na aia kac kika mba moreke. Ainda moca an mikna kammo kai mbopraṅ teac, na aia an iroar inkarmo ṅgetrikina kamb witta kai mbopraṅ teac, memenacmo anṅi taṅrenanmo uriracnan, na Raraṅ Aetaniacmo ripacrenan, na an tipemb kirarira eteacna wat kocortanmo muruṅa iṅ neanṅrenan, na ainta kitac puk anṅirena tipemb kirarir toc, na parmo meikramtair tambatta tikrena tipemb kirarirta kamb witmo kai memetmbaca mbopraṅ teac. Na menacrina meikramtaira mac nda ṅgeṅgepnna kambca kai mbop teac, na aia muruṅa Raraṅ Aetaniacna ritri waparacmo witiiki gagra te, na ma aimo iarwarna eteacna watna kam ndopna, co, aia iarwarna opoik ṅgoreac

---

**5:14** Ais 7.15, na Ro 16.19, na 1 Ko 2.14-15, na Pil 1.10    **6:1-2**  
Up 8.14-17, na 17.31-32, na 19.4-5, na Ro 2.16, na Pil 3.12-14, na Ib 5.12, na 9.14

anğina kamb topna. Na aia an kambta moca kai mikca eacraŋ teac, wanaiŋ. Aia an meikramtaira acnairina riptiar tingikca anğiraŋ.

<sup>3</sup> Na Raraŋ Aetaniaca aimo anna mona tonjo te, aia aında mo.

<sup>4-6</sup> Na ramtair ndeida Raraŋ Aetaniacna kambmo mina lamŋirina. Na an reac laŋa tamuŋna auŋ ndiŋa kiprenanna mina matowaiat. Na Neronŋ Ratta mina maanğiat. Na Raraŋ Aetaniacna kammo mina towairinan, na mina lamŋirenan, na kamma ma laŋ ŋgoin. Na Raraŋ Aetaniacna gargara mina maanğiat, na an gargara ma kidrik laŋa inmbaia ma raek ndarunandet. Na ainta meikramtaira mina tipemb ŋgorikta moca irik te, na Raraŋ Aetaniacmo in neaŋ te, mina nda kikipa iroar inkar ŋgetrikina taupemb kocor, wanaiŋ ŋgoin. Na ainta tipembta kirarira mina mo te, mina Raraŋ Aetaniacna Nuocmo, mina ndori koında manmo ik mac anğia keracatna kirar. Na anna mina manmo ik mac keracrina kirar, te, meikramtaira manmo peperena kamb topraŋnande.

<sup>7</sup> Na memetmbaca pukca rapacrenanna, pitrikca an pukmo muruŋa wiŋrenan. Na an pitrikna waŋ ianna ma wariŋna amna reac laiŋga an nambatmo moa gacrena, na ma meikramtairmo otac te, Raraŋ Aetaniaca an pitrikmo laŋa monandet.

<sup>8</sup> Na pitrik waŋa ma lacarapna ŋgatiŋkapa katgar ŋgorik tingikmo mo gacraŋ te, anna

---

**6:4-6** Mt 12.31, na Gal 3.2, na Epe 2.8, na Ib 10.26-27, na 10.29, na 10.32, na 1 Pi 2.3, na 2 Pi 2.20-21, na 1 Io 5.16    **6:8** RL 3.17-18



pitrik wan̄ ŋgoreac. Na kidrik rocotta wanain̄ te, mina manmo ŋgocraina kam ndop te, taca manmo kocnai wirnandet.

<sup>9</sup> Na aukna aikndamtair koind, mandeaca aia nenmo gan kam gargar mambopek. Na aia lam̄jirenan, ne an ŋgogocraia ne mba an̄giitndai. Ainda moca Raraŋ Aetaniaca nenmo mac nda an̄giatna, na ma nenmo reik lain̄ nean̄nandet.

<sup>10</sup> Na Raraŋ Aetaniac ma tipemb kirarir wan̄doik lain̄ tiŋgikca morena. Na ne morina an aiŋir lain̄ta moca ma nena iroar mba ndarekrekeitndai, wanain̄. Na ne manmo matjia nean̄rinan, na anna ndo nenmo mo ŋgepca ne mana meikramtairmo otacrenan. Na ne ainda moran̄nande.

<sup>11</sup> Na aia ton̄gorenanna, ne muruŋa an aiŋmo gagraca ainda moran̄. Na nena ritipacmo utiŋ gagra, na Raraŋ Aetaniaca nemo larapaca aimo laŋa mo ndoprina mana rana mamamaina lam̄bina.

<sup>12</sup> Ainda moca ne kai ŋate teac. Ne gidik ŋgoinna ripacrena meikramtairta tipemb kirarira ran̄gairan̄, na ne kai ŋate teac. Aintik atua Raraŋ Aetaniaca ndona mombonikmo baburina reikmo, mina muruŋcamiŋa an̄ginandet.

*Raraŋ Aetaniacna bababumo aia gagra ripacna*

---

**6:10** Ro 15.25, na 2 Ko 8.4, na 1 Te 1.3, na 2 Te 1.6-7, na 2 Ti 1.18, na Ib 10.32-34    **6:11** Kol 2.2, na Ib 3.6, na 3.14    **6:12** Ib 10.36

<sup>13</sup> Na atu ηgoinna Raraη Aetaniaca Abraammo bababua neaηna morinanna. Ramoot ianna Raraη Aetaniacmo tamuηmbaia wanaiη, na mamō mba kundri, te, Raraη Aetaniaca mana imo aca gidik tamuη ndopna. Ainda moca Raraη Aetaniaca gidik tamuηmo ndona i mbuηa gaimda aca mboprinan,

<sup>14</sup> “Na aku gidik ηgoinna aindoprinan, aku umo matau ηgoinna bubuocnandēt, na una wiwitna mombonik ηgamrirmo moca wit ηgoin ndarunandēt.”

<sup>15</sup> Ri, Abraamma lambica ma mba tawia ηateatke, na Raraη Aetaniaca baburina reikca ma Abraamma neaη ndoprinanna, iηmbaia Abraamma an reikmo muruηcamiη maηgiat.

<sup>16</sup> Na gidik tamuηa ndoprena kirara gaimd. Ramtaira gidik tamuηna kammo ramoot ianna i mbuη ndop te, anna gaimda wandacrenan, an ramootta ma minmo tamuηmbai, na ma minmo kundrina. Na ramoot ianna gidik tamuη ndop te, anna mana kammo mo gagarina. Na kabena meikramtaira mana kammo nda mbopna toawanaiη, ma mina upmo maleacri.

<sup>17</sup> Na atua Raraη Aetaniaca babuatnanna, aia Abraamna wiwitnanmo, ma aimo matau ηgoinna laηa moranandēt. Na ma aimo wandōη ηgoinna gaimda wandacna morenan, ma ndona iroa mba ηgetrikitndai, aintik ma gidik tamuη ndop te, ma ndona kammo mo gagarinan.

<sup>18</sup> Ainda moca mandeaca kam mbuniηa

maeacreke, na ianna anna Raraŋ Aetaniacna bababu, na ianna anna kam gidik tamuŋ. Na maniŋa mba ŋgetrikitndai, na an kam mbuŋa Raraŋ Aetaniaca ma mba paruitndai. Ainda moca aia meikramtaira kipcarica tanŋa Raraŋ Aetaniac ndambuŋna iŋgorocrenanna, aia mana babuca lamŋiran, na aina iroar inkara moi gagraca ma aimo babuatna an reik aŋginanna lambina.

<sup>19</sup> Na an reaca ma aimo lambina mboprinanna, anna ma aimo lanŋum ŋgutiŋna aŋga gargarna kirar, ma aina eteacna watta utiŋ gaganan. Na an lanŋum utiŋna aŋga, ma Raraŋ Aetaniacna Kaca loraca eacrena raraŋit aniacna iŋmbaina Diab Rat Ŋgoinna mbukrena.

<sup>20</sup> Na Iesusa ma aimo otacna moca ma an Raraŋ Aetaniacna Diab Rat Ŋgoinna inikmo aimo out ŋgoinna mbukrinan. An kidrikca ma Melkisedek tocna taup ndamoot paŋan aniac ndarurinan, na ma iarwarna taup ndamoot paŋan ndeacraŋandet.

## 7

### *Melkisedeka ma i aniacapna ramoot*

<sup>1</sup> Na Melkisedek ma Salem auŋna gagirirta ramoot paŋan, na ma Raraŋ Aetaniacna Tamuŋ Ŋgoinna taup ndamoot. Na an kidrikca Abraamma gagirirta ramtair paŋaindap runŋa minmo moa menacatke, ma ndona auŋa taŋri

---

**6:19** TN 16.2-3, na 16.12, na 16.15, na Ib 9.7    **6:20** TN 16.2-3, na 16.12-15, na Ŋap 110.4, na Ib 3.1, na 5.6, na 5.10, na 7.17, na 8.1, na 9.24    **7:1** RL 14.17-20

mbuṅa, Melkisedeka mamō taupca tikca ndapurikica, ma Abraammo Raraṅ Aetaniacna kam laṅmo maneaṅri.

<sup>2</sup> Ri, Abraamma ma ndona ruṅga aṅgiatna reikmo 10, 10na ṅgaṅgaṅṅina minna nduca anmo Melkisedek maneaṅgat. Na an i Melkisedekmo aia ainda uriracrina, Tip Kirar Wandoṅ Laṅna Gagrirta Ramoot Paṅan. Na ma toco ma Saleмна gagrirta ramoot paṅan, na anna aia ainda uriracrina, Nikinik Iro Wetwetna Tipna Gagrirta Ramoot Paṅan.

<sup>3</sup> Na Melkisedeka ma ndona amepaetapa, wiwitna nicar ṅgamrirta nininina kamb kocor. Na mana aemma manmo mirrina ra aia lamṅi ṅgocor, na ma menacrina rana nininina kam toco aia lamṅi ṅgocor. Ma Raraṅ Aetaniacna Nuoca eacrena kirar. Na ma memetmbaca taup ndamoot ndeacraṅnandet.

<sup>4</sup> Na ne gaimd ndamṅi, Melkisedeka ma i aniacapna ramoot. Na aina outna nicau Abraam, ma reik lain, lainga runduṅ mbuṅ naaṅgiatnanna, ma 10, 10na ṅgaṅgaṅṅina minna titaca, ma an 10, 10na ṅgaṅgaṅṅina minna ma Melkisedekmo neaṅgatna.

<sup>5</sup> Na Liwaina wiwitna barna nuikta mombonikca, mina taup ndamootna aiṅa aṅgirenana. Na Tip Wandikca gaimdoprinan, Israelna meikramtaira mina ndorita reikmo nduca 10, 10na ṅgaṅgaṅṅina minna mina Liwairmo neaṅrena. Na Israelnanda mina Liwairta laiplacar, aintik mitoco Abraamna mombonik. Ainda moca Israelnanda mina an

10, 10na ngannganngina minna reikca ndorita an laiplacara neanrena.

<sup>6</sup> Na Melkisedek ma Liwairta wiwitna bar ndiña mba kipatke. Na ma Abraamna 10, 10na ngannganngina minna reikca ma maanngiat. Na ma an ramootta Rarañ Aetaniacna babuca eacrenamo ma Rarañ Aetaniacna kam lañ neanrina.

<sup>7</sup> Na aia lamjirena, ramootta Rarañ Aetaniacna kam lañ neanrenan, ma i aniacapna ramoot. Na ramootta man ndambuñna Rarañ Aetaniacna kam lañ anngirinanna ma kangaukca eacrenan.

<sup>8</sup> Na Liwaira mina Israelnangepta 10, 10na ngannganngina minna reikca mina anngirena, na mina menacrena meikramtair. Na Melkisedek, an ramootta ma Abraamna 10, 10na ngannganngina minna reik anngiatnanna, Rarañ Aetaniacna timbigta kapca manmo memenacna kam ianna mba tirca mbopca eacreke.

<sup>9-10</sup> Na Israelnangepca 10, 10na ngannganngina reikmo Liwairmo neanrenan. Na aia Liwairmo gaindopna min, mina an 10, 10na ngannganngina minna reikca Abraamma neanrena. Na ma Liwairta wiwitna nicau, na ma ndo Melkisedekmo an 10, 10na ngannganngina reikca neanrinan. Na anna gidik. Liwai, mana aemma manmo mir ngocor ndeacri, Melkisedeka Abraammo taupca tikca ndauprikiatna. Na an minna Abraamma Melkisedekmo reik neanrinanna, Liwaica ma ndona aemna nikinik ndeacrina. Na ma Abraamna wiwitnan. Na ma toco Melkisedekmo 10, 10na minna reikca neanrina.

*Na taup ndamoot paṅan aniac ṅgamma ma atuna taup ndamtairmo kunda tamuṅmbai*

<sup>11</sup> Na atua Israelnangepeca Tip Wandik anḡirinanna, an Tip Wandikca ma gaindopatna, “Liwaira mina taup ndamtairta aiṅira monandet.” Na mina Raraṅ Aetaniacna lamniac ṅgoutmo meikramtairmo laṅ ṅgoinna mo te, na kaina moca Raraṅ Aetaniaca aindopatna kabena taup ndamoot ianna ma iṅmbai nakipnandet? Ma Melkisedekna kirar toc ndarunandet, na ma Aronna kirar toca wanaiṅ.

<sup>12</sup> Ainda moca taup ndamtairta wiwitta ṅgetrikiraṅ te, Tip Wandik toco ma ṅgetrikiraṅnandet.

<sup>13</sup> Na an ramootta Raraṅ Aetaniaca mboprinanna, ma iarwarna taup ndamoot ndeacraṅnandet, ma kabena wiwitnan. Na mana wiwitna ramoot ianna atua an taup ndamootna gimbamna aiṅa mba mori.

<sup>14</sup> Ainda moca aia lamṅirenan, aina Kacootta ma Iudana wiwitnan larurina. Na an wiwitnanmo, Mosesa minmo taup ndamootna aiṅa mona kam ianna mba mbopatke, wanaiṅ.

<sup>15</sup> Na aia watrinanna, an taup ndamoot ṅgamma larurinanna, ma Melkisedek toc. Na aia matau lamṅinandet, ma Liwairta wiwitna taup ndamtairmo kunda outmbai.

<sup>16</sup> Na an kidrikca Tip Wandikca aindoprina, Liwairta ramtair tiṅgikca mina taup ndamtair tarurenan. Aintik an wiwitna ramtaira mina taup ndamtairta aiṅa monandet. Na an iarwarna

gargarna watta memetmbaca eacrenanna, ma Iesusmo moca ma taup ndamoot ndarurina.

<sup>17</sup> Na Raraŋ Aetaniacna timbigta kapca gaindopatna,

“U iarwarna taup ndamootta eacraŋnandet.

Na u Melkisedekna wiwitna kirar tocna taup ndamoot ndeacnandet.”

<sup>18</sup> Ainda moca an kamma aimo wandacrinan, Raraŋ Aetaniaca ma atua Tip Wandikca ma moa kecaririna. Na an Tip Wandikca ma gargar kocor, na ma aimo otacna minna wanaiŋ.

<sup>19</sup> Na an Tip Wandikca ma reac ianna mba moa laŋ ngoinna mba laruri. Ainda moca Raraŋ Aetaniaca ma taup laŋ ngoin ianna outta moa larurina, na aia anna lambirena, na ma Tip Wandikmo kunda outmbai. Na an taup mbuŋa aia Raraŋ Aetaniacmo rambuŋa taŋnandet.

<sup>20</sup> Na an kidrik toco, Raraŋ Aetaniaca Iesusmo taup ndamootta larapacatnanna, ma manmo wanaiŋa mba larapacri. Wanaiŋ. Na ma gidik tamuŋ ndopca manmo larapacatna. Na atuna taup ndamtaira ainda wanaiŋ. Na ramoot ianna gidik tamuŋ mba mbopca minmo taup ndamtaira laruatna.

<sup>21</sup> Na Raraŋ Aetaniaca ma ndo gidik tamuŋ ndopca, Iesusa taup ndamoot ndarurina. Na Raraŋ Aetaniacna timbigta kapca aindopatna,

---

**7:17** Nɔp 110.4, na Ib 5.6    **7:18** Ro 8.3, na Gal 4.9    **7:19** Ro 8.3, na Gal 2.16, na Epe 2.18, na Ib 6.18, na 9.9    **7:21** Nɔp 110.4, na Ib 5.6

“Kacootta gidik tamuŋa atuna mambopri,  
 ‘U iarwarna taup ndamoot  
 ndeacraŋnandet.’  
 Na ma ndona kammo  
 mba ŋgetrikitndai.”

<sup>22</sup> Ainda moca aia lamŋirenan, Iesusa raupŋirena an leacatna kamma, anna laŋ ŋgoin, na ma atua leacatna kammo kundrina.

<sup>23</sup> Na atua ramtair witta taup ndamtair tarurenan, na mina memetmbaca menacrenan, aintik mina taup ndamtaira memetmbaca mba eacrenanna.

<sup>24</sup> Na Iesusa ma iarwar ndeacrenan. Na taup ndamootna aiŋa ma iarwara utiŋga eacrenan, na mana ŋgegetrikiya kamaind.

<sup>25</sup> Ainda moca memetmbaca meikramtaira Raraŋ Aetaniacmo kipca rambuŋairenanmo, Iesusa minmo mana i mbuŋa mac nda aŋgina min ŋgoin. An kidrikca ma memetmbaca iarwarna eteacna watap eacrenan, na ma minmo otacna moca mina taupca morena, na minmo Raraŋ Aetaniacmo mbendeirena.

<sup>26</sup> Ainda moca ainta taup ndamoot paŋan aniaca aimo otacna min ŋgoin. Na Raraŋ Aetaniaca tonŋorena tipemb kirarirapa tipemb ŋgorik kocortanna, ma anna raŋgairenan. Ainda moca ma Raraŋ Aetaniacna lamniac ŋgoutta ma rat ŋgoin. Aintik Raraŋ Aetaniaca manmo auŋ tamuŋmo tamuŋ ŋgoin matikat, na ma tipemb

---

**7:22** Ib 8.6, na 12.24    **7:25** Ro 8.34, na 1 Ti 2.5, na Ib 9.24, na 1 Io 2.1    **7:26** Epe 1.20, na Ib 3.1, na 4.15, na 8.1



ngorikta makukara morena meikramtairmo tawan ngoinna eacraɲnandet.

<sup>27</sup> Na atuna taup ndamtair paɲaind anikca, mina ra, ra, katuca gimbamba mona aiɲap. Na out ngoinna mina ndorita tipemb ngorikta makukarta gimbamba monandet. Na anna iɲmbaia mina meikramtairta tipemb ngorikta makukarta gimbamba mac monandet. Na Iesusa ma ainta aiɲir kocor, wanaiɲ ngoin. Na memetmbaca morena iarwarna gimbamba, ma anmo kidrik kabe niɲgikca morina. Na anna ma ndona watmo Raraɲ Aetaniaca neaɲrinan.

<sup>28</sup> Na Tip Wandikca ramtairmo moca mina gargar kocor, na mina taup ndamtair paɲaind anik tarurena. Na an kam gidik tamuɲ, ma Tip Wandikmo iɲmbaia tarurina, na anna ndo Raraɲ Aetaniacna Nuocmo larapacrina. Na an Nuoca ma ramoot laɲ, laɲ ngoin, na ma out ngoinna laruca aimo otacatna. Na ma iarwar ndeacraɲnandet.

## 8

*Iesusa taup ndamoot paɲan aniac, na ma tamuɲna auɲ ndeacrenan*

<sup>1</sup> Ainda moca an kamna miniɲa aia mbopa-peknanna, ma gaind. Aia gan taup ndamoot paɲan aniac laɲap eacrenan, na ma auɲ tamuɲna Raraɲ Aetaniacna gagrirta ramoot

---

**7:27** TN 9.7, na Ro 6.10, na Ib 5.3, na 9.12      **7:28** Ib 2.10, na 5.1-2, na 5.9      **8:1** Nɲap 110.1, na Epe 1.20, na Kol 3.1, na Ib 1.3, na 3.1, na 10.12, na 12.2

paɲanna par umbaina mbibiracna taupca, ma anna mbiraca eacrenan.

<sup>2</sup> Na ma Raraɲ Aetaniacna Ndam ratna taup ndamootna aiɲa moca eacrenan, na anna Raraɲ Aetaniacna Ndam ɲgoin. Na an ndamma ramtaira mba morinanna, wanaiɲ ɲgoin. Ka-cootta ndo ɲgoinna moatna Ndam.

<sup>3</sup> Ainda moca taup ndamtair paɲaind anikca mina muruɲa ɲimbambara morenanapa, Raraɲ Aetaniacmo reik laiɲ aɲɲi kipca neaɲna aiɲap. Aintik Taup Ndamoot Paɲan Aniac Iesus toco, ma ɲimbamba mona.

<sup>4</sup> Na ma gan tiacarpaik ndeacraɲ te, ma taup ndamootta mba eacitndai. Na an kidrikca taup ndamtaira eacrenan, na mina Tip Wandikca mboprinanna, titocna reik laiɲga mina Raraɲ Aetaniacmo neaɲrenan.

<sup>5</sup> Na an taup ndamootna aiɲa mina utiɲa morenanna, anna auɲ tamuɲna pocpocapa, papacna ndurumna aiɲna kirar. Na an kirara Raraɲ Aetaniaca Mosesmo mitpaca mbopatna. Na an minna ma Raraɲ Aetaniacna Ndamma mona mori, Raraɲ Aetaniaca ɲaindopatna, “Na an kidrikca u an Ndamna reikca mona mo te, u matau ɲgoinna wat, na mana pocpocrina kirara aku umo takur tamuɲa tikca neaɲrinanna u anna raɲgai.”

<sup>6</sup> Na mandeaca Iesusa ma an taup ndamootna aiɲmo ma aɲɲiɲinan, na an aiɲa ma kabena taup ndamtairmo ma outmbai ɲgoin. Na

---

**8:3** Epe 5.2, na Ib 5.1, na 9.14      **8:5** NA 25.40, na Ndu 8.4, na Up 7.44, na Kol 2.17, na Ib 9.23      **8:6** 2 Ko 3.6-9, na Ib 7.22, na 9.15

ma meikramtairapa Raraŋ Aetaniacna rikca witikca eacrena ramoot, na ma an leacatna kam ŋgamma, mo gagranan. Na an leacatna kam ŋgamma ma atua leacatna kam bagarmo outmbai ŋgoin. Ainda moca an reikta leacatna kam ŋgamma aimo babuca neaŋ ndoprinanna, anna mina atua leacatna kam bagara babuca aimo neaŋ ndoprina reikmo kunda tamuŋmbai ŋgoin.

*Leacatna kam ŋgamma ma atuna leacatna kam bagarmo tamuŋmbai*

<sup>7</sup> Na ne lamŋirenan, outna leacatna kam bagara mana aiŋmo matau wandoŋ laja mo te, Raraŋ Aetaniaca ma kabena leacatna kam ŋgamma mba moitndai.

<sup>8</sup> Na Raraŋ Aetaniaca ma meikramtairta tipemb ŋgorikta makukara ma mo larurinan, na ma gaidopatna, “Kacootta aindopatna, ‘Ne warac. Iudana wiwitnanapa Israelna wiwitnanmo, aku ra ianna larapaca eacrenan, minmo an kam ŋgamma leacna monande.

<sup>9</sup> Na an leacatna kamma ma atuna leacatna kamna kirar toco wanaiŋ, na aku minmo neaŋga mina nicarmo Isipa tikca mina par ŋgutiŋa aŋgica kipatna. Na mina aukna leacatna kammo mina an kammo mba raŋgairi, ainda moca aku mina Kacootta minmo iŋ neaŋrinan.’ ”

<sup>10</sup> Ainda moca Kacootta gaidopatna, “An kidrikca mai te, aku Israelna wiwitnanap leacatna kam ŋgamma gaid. Aku ndona tipemb wandikmo muruŋa mina iroara tiknandet,

na aukna tipemb wandikta kambmo mina iroar inkara tirnandet. Na aku Raraŋ Aetaniac ndeacraŋ te, na mina aukna wiwitna meikramtair ndeacnande.

<sup>11</sup> Te, an minna meikramtaira ndorita kamkabearpa laiplacarmo mba riptitndai, na mina gaïndopatna, 'Ne Kacootmo lamŋi.' Mina muruŋcamiŋa aukmo lamŋirenan, an meikramtaira irembapnan, co, iremb kocortan.

<sup>12</sup> Na mina wandoŋa taŋ ŋgocor te, aku mina moca kadmainandet, na mina tipemb ŋgorikta makukarmo mo kecarinandet, na aku anna moca mba lamŋitndai."

<sup>13</sup> Na an kamma Raraŋ Aetaniaca ma leacatna kam ŋgamna moca mboprenan, na an tipna kirar mbuŋa outna leacatna kamma ma bagara larurinan. Na reaca maica bagara taŋrenanna, ma kidrik teker emtemma eaca, ma kocnai topnandet.

## 9

*Atuna taup ndamoot paŋan aniaca amna ŋgoaebta racaindmo gimbambara morenan*

<sup>1</sup> Na an outna leacatna kamma ma Raraŋ Aetaniacmo mbembendeina tipna kirarna tipap, na mbembendeina Ndam ianna gan tiacarpaik ndeacrena.

<sup>2</sup> Anna mina moatna amta ŋgoaebta inŋitna kac. Na mana outna diab inik, anna tac tikrena taupna reacapa, tapaca tikrena barap eacrenan.

Na anmo mina tapaca Raraŋ Aetaniacna lamniac ŋgoutta tikca eacrenanmo anna tikrenan. Na an diab inikmo, mina gaind ŋgacrenan, “Diab Rat.”  
<sup>3</sup> Na mina raranjit aniaca loraca ma Diab Rat Ŋgoimo wawaraca eacrenanna, anna kabena diabca eacrenan, na mina gaind ŋgacrenan, “Diab Rat Ŋgoim.”

<sup>4</sup> Na mina gimbamba moca inpai laŋ larurena taupmo, mina anmo gol mbuŋa morina. Na an Kam Leacrena Bogis ma toco an inik ndeacrena. Na an bogis motocmo, mina kocnaia muruŋcamiŋa gol mbuŋa pairina. Na an bogisna inikca mina amna reac menana golna winna tikca an inik ndeacrina, na Aronna ndindipacna komborap, ma atua upura garinanna mina anna tikrinanapa, Raraŋ Aetaniaca neaŋrina waut mbuniŋa leacatna kamma anna tirca eacrenanna, mina an inik ndeacrinan.

<sup>5</sup> Na an reacna tiŋ nambatmo mina meikramtairta tipemb ŋgorikta makukarmo, mo kecarina taupap. Na mbaiŋna ŋeroŋ mbuniŋna da laŋniŋa, an reacna tiŋmo tipniŋa mbiraca wikniŋmo wambaraca an reacna tiŋmo wawaraca mboraca eacrenan. Na an ŋeroŋniŋa Raraŋ Aetaniacna taup aŋgica, an taupca eacrenan. Aintik mandeaca aku an reikta miniŋmo mba kocnaia mbopi laruitndai.

<sup>6</sup> Ainda moca mina reikmo ainda morenan, ra, ra katurenanna, taup ndamtaira an Raraŋ Aetaniacna Ndamna inikca mbukca mina ndorita

---

**9:3** NA 26.31-33    **9:4** NA 16.33, na 25.10-16, na 30.1-6, na Ndu 17.8-10, na TW 10.3-5    **9:5** NA 25.17-18    **9:6** Ndu 18.2-6

aiņira morena.

<sup>7</sup> Na taup ndamoot paņan aniac, ma ndo kabe ņgoinna iar kabena inikmo, kidrik kabe niņgikca, an Ndamna diabna inik ņgoinmo mbukrenan. Na ma wanaiņa mba taņca mbukrenan. Ma racaindpaikap aņgica anna mbukrenan. Na an racaindpaik ma ģimbamba moa ma ndona tipemb ņgorikta makukarmo moa kecarirenan, na an mbuņ toco, ma meikramtairta tipemb ņgorikta makukarmo mina lamņi ņgocora morenan motocmo mo kecarirena.

<sup>8</sup> Na an tipna kirara ņeronņ Ratta aimo gainda wandacatna, an minna Raraņ Aetaniacna outna Ndamma eacrenanna, Raraņ Aetaniacna Diab Rat ņgoinna mana tataņna taupca ma raekca mba larua waekeri.

<sup>9</sup> Na an outna Raraņ Aetaniacna Ndamma, ma aimo mandeacna minna reikca larunanna pocpocrinan. Na an Raraņ Aetaniacna Ndam mbuņa mina manmo reik laiņ, laiņ neaņrenanapa, manmo ģimbamba morenan. Na an reikca muruņcamiņa meikramtaira mbendeirenanmo, nikinik iroarmo mba wandoņai, te, mina gainda lamņinandet, mina tipemb ņgorikta makukara mba morenan.

<sup>10</sup> Na an Tipemb Wandikca ma amta reikapa, pukapa, kainta reikmo mina puk mbuņa mataurena tipemb kirarirmo, mbop te, meikramtairmo

---

**9:7** NA 30.10, na TN 16.2-34, na Ib 5.3, na 7.27    **9:8** In 14.6, na Ib 10.19-20    **9:9** Gal 3.21, na Ib 7.18-19, na 10.1-2    **9:10** TN 11.2, na 11.25, na 15.18, na Ndu 19.7, na 19.11-13, na Epe 2.15, na Kol 2.16, na 2.20, na Ib 7.16

moca mina rat ndarunan. Na ma ramootna tikna reikta kam ningikca ndoprenan. Na Raraŋ Aetaniaca ma an tipembca nearŋrinanna, ma meikramtaira anmo ranŋaica taŋca, ma reikmo muruŋcamiŋa wandoŋaina minna tikna.

*Karaisa ma ndona racaind mbuŋa gimbamba morina*

<sup>11</sup> Na mandeaca Karaisa malarurinan, na ma an reik lainŋa tarurinanmo, ma mina taup ndamoot paŋan aniaca eacnandet. Na an Ndam gidik ŋgoinmo ma mbukrinan, na an atuna Ndammo ma kunda tamuŋmbai. Na an Ndammo ramootta ndona par mbuŋa mba morinan, wanaiŋ. Ma gan tiacarpaikna reaca wanaiŋ.

<sup>12</sup> Na Karaisa ma bulmakaor nuikapa memeara racaindpaikca mba anŋica an Diab Rat Ŋgoinna mba mbukatke, wanaiŋ. Ma ndona racaindpaik mbuŋa gimbamba morinan, na ma an Diab Rat Ŋgoinmo kidrik kabe ningikca mbukatna. Ri, ma aimo nda oikca aia iarwara eacraŋnandet.

<sup>13</sup> Na meikramtaira Raraŋ Aetaniacna lamniac ŋgoutta rat ŋgocora laru te, taup ndamtaira memerapa, bulmakaor ramtairta racaindpaikapa, bulmakaor minparta kapira mina tac mbuŋa kocnai rotacrinanmo, anŋica anmo meikramtairta tikembta kerina. Na mina ainda mo te, mina an meikramtairta tikembmo

---

**9:11** Ib 3.1, na 8.2, na 10.1    **9:12** Dan 9.24, na Ib 9.26, na 10.4, na 1 Pi 1.19    **9:13** TN 16.3, na 16.14-16, na Ndu 19.9, na 19.17-19, na Ib 10.4

Raraŋ Aetaniacna lamniac ŋgoutmo moca mac ratrina.

<sup>14</sup> Na Karaisna racaindpaikca, ma anmo kunda tamuŋmbai. Na Karaisa ma tip ŋgoreacna makuk ianmo mo ŋgocor ŋgoin, wanaiŋ ŋgoin. Na iarwara eacrena Ŋeroŋna gargar mbuŋa ma ndona watnanmo Raraŋ Aetaniacmo an mbuŋa gimbamna kirar toca neaŋrinan. Ainda moca mana racaindpaikca aina tik niŋgikca mba moa ratri, wanaiŋ. Ma aina makukarmo kocnaia moca mairinan, na aia lamŋirena, aina iroar inkara Raraŋ Aetaniacna lamniac ŋgoutmo aia rat ŋgoin ndeacrena. Aintik aia an tipemb wandikmo kai raŋgairaiŋ teac, ma iarwarna eteacna wat ŋgocor. Na aia iarwarna eteacna watapna Raraŋ Aetaniacna aiŋa moraiŋ.

*Karaisna racaindpaikca leacatna kam ŋgammo mo gagararinan*

<sup>15</sup> Ainda moca Karaisna racaindpaikca aimo Raraŋ Aetaniacna lamniac ŋgoutmo moca rat ŋgoin. Aintik Iesusa ma rikca witikca eacrena ramoot ndarurina, te, ma leacatna kam ŋgammo, mo gagranan. Na ma menacatke, meikramtairmo mac nda oikrina, na mina tipemb ŋgorikta makukarmo mo kecarina, an kidrikca an outna leacatna kamma eacari, mina moatnan. Na meikramtaira Raraŋ Aetaniaca acatna kamma waraca raŋgai te, mina an iarwarna eteacna watta atua Raraŋ Aetaniaca

---

**9:14** Ro 6.13, na 6.22, na Epe 5.2, na Ta 2.14, na Ib 6.1, na 1 Pi 1.18-19, na 1 Io 1.7    **9:15** Ro 5.6, na 1 Ti 2.5, na Ib 3.1, na 7.22, na 8.6, na 1 Pi 3.18



ndona mombonikmo neaŋ ndoprinanna, mina aŋginandet. Te, mina iarwara laŋ ndeacnandet.

<sup>16</sup> Na ramootta menac ŋgocor ndeac te, ma ndona nuocmo reik neaŋ ndoprinanna, ma ramtair ndeidmo leacatna kammo ma minap leacnandet, na ma menac te, an ramtaira an nuocmo mbopca ma ndona aetna reikmo aŋginandet.

<sup>17</sup> Na an ramootta menac te, an leacatna kamma ma gargarap. Na an ramootta ma leacatna kamma ma menac ŋgocor ndeac te, mana an leacatna kamma ma wanaiŋ ndeacnandet.

<sup>18</sup> Na anna kirara mina amta ŋgoaebmo, mo menaca mina an mbuŋa mina racaindpaik aŋgica, ruŋkica atuna leacatna kammo, mo gagranan.

<sup>19</sup> Ainda moca out ŋgoinna Mosesa meikramtairmo Tipemb Wandikta kambmo muruŋcamiŋa mbopatna. Na iŋmbai ma bulmakao moonuocapa, memena racaindpaik aŋgica pukap tikca ma kurinandet. Na ma isop ŋaik tekira mina sipsipna lakoarta ŋgatik laupa morenanna, an aŋgica racaindpaik inikca tiknandet. Te, iŋmbaia ma anmo racaind emtemap mikca eacrenanmo aŋgica tip emtemmo timbigta kapca kenandet, na emtemmo meikramtairmo muruŋcamiŋ nambatta kenandet.

<sup>20</sup> Karica ma gaindopatna, “Gan racaindpaikca ma Raraŋ Aetaniacna leacatna kammo moa

---

**9:17** Gal 3.15    **9:18** NA 24.6    **9:19** NA 24.3-8, na TN 14.4-7, na 16.14-15    **9:19** NA 24.6-8    **9:20** NA 24.8, na Mt 26.28

gagrarinan, na Raraŋ Aetaniaca nenmo anna ranġaina ndoprinan.”

<sup>21</sup> Na an tipna kirar mbuŋa Mosesa Raraŋ Aetaniacna Ndam nambatapa, mbendeirena winapa, tuoŋgourmo an racaindpaikmo min nambat motocmo kerina.

<sup>22</sup> Aında moca aia lamŋirenan, Tip Wandik mbuŋa racaindpaik niŋgikca, ma reikmo muruŋa ratta mo larurenan. Na mina ġimbamba mona amna ŋgoaem ianna mo menac ŋgocor te, na racaindpaikmo mo ruŋki ke ŋgocor, te, Raraŋ Aetaniaca ma meikramtairta tipemb ŋgorikta makukara ma mba mo kecariitndait.

*Karaisa ma ndo ŋgoinna ġimbamba moca tipemb ŋgorikta makukarmo moi kecarinandet*

<sup>23</sup> Na an Ndamna reikca mina an auŋ tamuŋna reikta kirar toco pocpoca eacrenan. Na mina amta ŋgoaebta racaindpaik aŋgica an reikmo Raraŋ Aetaniacna lamniac ŋgoutmo moca ratnan. Na tamuŋna auŋna reik ġidkarmo, mo ratnanna, anna ġimbam rat laŋ ŋgoinna maeacrena, na ma an amta ŋgoaebta ġimbammo kundrina.

<sup>24</sup> Na aia lamŋirena, Karaisa ma gan tiacarpaikna ramoot morina Diab Ratmo, ma mba mbukatke, anna auŋ tamuŋna Diab Ratna pocpoc niŋgik. Na mandeaca ma tamuŋna auŋ ŋgoinmo ma ndo ŋgoinna tanġa mbukrinan, na ma Raraŋ Aetaniacmo rambuŋ ŋgoinna manap eacrenan, na ma aimo otacna aiŋira morenan.

---

**9:21** NA 29.12, na 29.36, na TN 8.15, na 8.19    **9:22** TN 17.11, na Epe 1.7    **9:23** Ib 8.5, na 10.1    **9:24** Ro 8.34, na Ib 6.20, na 8.2, na 1 Io 2.1

25 Na iarir kabe, kabea Iudana taup ndamoot pañan aniaca, ma gimbambara morena racaind-paik angica, ma an Diab Rat Ngoinna mbukrenan. Na anna mana racaindpaikca wanaiñ. Na Iesus Karaisa ma ainda mba mori, ma tamuñna auñmo tanğa, ndomo Rarañ Aetaniacmo gimbamna kirar toc maneañgat. Na ma memetmbaca mba morinanna, wanaiñ ngoin.

26 Na ma memetmbaca morañ te, ma girgir wit anikca aņginandet, an minna Rarañ Aetaniaca gan tiacarpaikca moca kipca ganna min. Na anna wanaiñ. Mandeaca tiacarpaikna mamamaina kidrikca kipca rambuñairina, na Karaisa ma gan tiacarpaikmo kidrik kabe niņgikca kipatnan. Ma ndo ngoinna, Rarañ Aetaniacmo gimbamba mona moca ndona tik neañga tipemb ngorikta makukarmo, mo kecarina.

27 Na aia meikramtaira kidrik kabe niņgikca menacrenan, na inmbaia mina Rarañ Aetaniacna ritri waparaca larunandet.

28 Ainda moca an kirar toc mbuñ, Karaisa ma ndona tikmo gimbamba moca Rarañ Aetaniacmo kidrik kabe niņgikca neañrinan. Te, meikramtair witna tipemb ngorikta makukarmo mbuknan. Aintik oit ianna ma kabena kidrik mac kipnandet, na an minna ma tipemb ngorikta makukar mo kecarina mba kipitndai, wanaiñ. Ma mac nda kipca

---

9:26 1 Ko 10.11, na Gal 4.4, na Ib 7.27, na 9.12, na 1 Pi 3.18 9:27 RL 3.19, na LR 3.20, na Ais 53.12, na 2 Ko 5.10, na Pil 3.20, na 2 Ti 4.8, na Ib 10.10, na 1 Pi 2.24, na KIEK 20.12-13 9:28 Ais 53.12, na Ro 6.10, na Ta 2.13, na 1 Pi 2.24, na 2 Pi 3.12, na 1 Io 3.5

meikramtaira manmo lambirenan ngoinmo, mac nda anɗinandet.

## 10

*Na atuna gimbambara mina tipemb ngorikta makukarmo mo kecarina minna wanaij*

<sup>1</sup> Na Tip Wandik mbuɗa aia watrenanna, ma inɗibai nakikipna reik laiɗta pocpocrenan. Na an reikmo, ma aimo mba giwaca wandacatke. Na Tip Wandikca aindopatna, iarir kabe, kabea mina an gimbammo kirar kabea moranɗ. Aintik aia lamɗirenan, Tip Wandikca meikramtaira Raranɗ Aetaniacna mbendeirena Ndamma tanrenanmo, mba wandonɗaiitndait. Na ma minmo laiɗga mba moitndai. Wanaiɗ ngoin.

<sup>2</sup> Na ainta gimbamba meikramtairmo, moca mina laiɗ koind tarurenan, te, mina kabena gimbammo mba moitndai. Na an gimbam kabe niɗɗikca meikramtaira Raranɗ Aetaniacmo mbendeirenanmo moi ratta mona min te, mina nikinik iroar puɗga mina gaimd ndamɗinandet, mina tipemb ngorikta makukar kocor.

<sup>3</sup> Na anna wanaiɗ. Na an gimbambara iarir kabe, kabea minmo moca mina ndorita tipemb ngorikta makukarta tamɗirena.

<sup>4</sup> Na mana miniɗa gaimd, bulmakao ramootapa, memena racainɗpaikca mina tipemb ngorikta makukarmo mo kecarina minna wanaiɗ ngoin.

<sup>5</sup> Aında moca an kidrikca Karaisa gan tiacarpaik nakiprinanna, ma gaindopatna,

“Mina amta ŋgoaebmo, moa menaca gimbambara morenanna,  
u mba toŋgorenanna.

Na u aukmo neaŋna tik ianmo,  
u kocrorinan.

<sup>6</sup> Na gimbambara mina tac mbuŋa kocnaia rotacrenanapa,  
na tipemb ŋgorikta makukarta gimbambar,  
motocmo u mba toŋgorenanna.

<sup>7</sup> Aintik mandeaca aku unmo aindopnandet,  
‘Raraŋ Aetaniac, mandeaca aku makipri,  
na una toŋtoŋa raŋgainan niŋgik.  
Na an kirara mina atua aukna moca kammo  
timbigta kapca tirca eacrenan.’ ”

<sup>8</sup> Na outta ma minmo gimbambara Tip Wandikca mboprina kammo mbopca mina mona. Na ma gaindopatna, “Mina amta ŋgoaebmo mo menacrenan, na gimbambara morenanmo u mba toŋgorenan. Na gimbambara mina tac mbuŋa kocnaia rotacrenanapa tipemb ŋgorikta makukarmo, mo kecarina gimbambara u mba toŋgorenan.”

<sup>9</sup> Na iŋmbaia ma gaindoprina, “Aku una toŋtoŋ niŋgikca raŋgaina kiprena.” Aında moca ma atuna tipemb kirarirmo ma moa kecariri, na ma tip kirar ŋgammo moca mana taup aŋgiran.

<sup>10</sup> Aında moca Iesus Karaisa Raraŋ Aetaniacna toŋtoŋa ranŋaica, ma ndona tikmo gimbamba mona kirarmo, kidrik kabe niŋgik ŋgoinna neaŋrina. Na an tipna kirar mbuŋa ma aimo moca aia Raraŋ Aetaniacna meikramtaira, aia wandoik koind, na aia rattar teacrena.

*Karaisna gimbamba ma tipemb ŋgorikta makukarmo mo kecarina min ŋgoin*

<sup>11</sup> Na taup ndamtaira mina muruŋa ra, ra katuca memetmbaca mina witikca ndorita aiŋira morenan. Na ainta gimbambara mina memetmbaca kirar kabemo kidrikar witta morenan, na an gimbamba ma tipemb ŋgorikta makukarmo, mo kecarina minna wanaiŋ ŋgoin.

<sup>12</sup> Na Karais, ma tipemb ŋgorikta makukarmo mo kecarina gimbamba ma kidrik kabe niŋgikca morina, na an gimbamba ma iarwara eacraŋnandet. Na ma aında moa maica, ma taŋga Raraŋ Aetaniacna par umbaiia mbiracrina,

<sup>13</sup> na an rana minna tikca ma lambica taŋi, Raraŋ Aetaniaca mana puŋnaŋgepmo mana kaŋgaukca tiknande.

<sup>14</sup> Na an meikramtairmo ma minmo moca mina Raraŋ Aetaniacnan ŋgoin malaruat, na minmo ma gimbam kabe ŋgoin mbuŋa moca mina laiŋ koind taruatna, na mina memetmbaca aind ndeacraŋnandet.

<sup>15</sup> Na Ŋeronŋ Rat toco, aimo kam gargarca gaiinda wiwitica mambopat,

---

**10:10** In 17.19, na Ib 9.12, na 9.28, na 13.12    **10:11** NA 29.38, na Ndu 28.3, na Ib 7.27, na 10.4    **10:12** Kol 3.1, na Ib 1.3    **10:12** Ŋap 110.1    **10:13** Up 2.35, na 1 Ko 15.25, na Ib 1.3

16 “Raraŋ Aetaniaca gaindopatna, ‘An leacatna kam ŋgam, aku minap monanna, anna gaind. Na aku ndona Raraŋ Aetaniacna tipemb wandikmo mina iroara tiknandet, na an Raraŋ Aetaniacna tipemb wandikmo mina iroar inkarmo tirnandet.’”

17 Na inŋmbaia ma an kammo gaind mac mam-bopat, “Aku mina tipemb kirarir ŋgorikcapa, tipemb ŋgorikta makukarmo ndarekrekenandet, na aku anna moca mba lamŋitndai.”

18 Ainda moca Raraŋ Aetaniaca ma tipemb ŋgorikta makukarmo, mo kecarir te, an tipemb ŋgorikta makukarmo, mo kecarina gimbamba mamairi.

### *Aia riŋpac gidikca moca Raraŋ Aetaniacmo tanga rambuŋaina*

19 Na aia Iesusa riŋpacrena laiplacar, Iesusna racaindpaikca aina tipemb ŋgorikta makukarmo ma moa kecaririnan, aintik aia Raraŋ Aetaniacna Ndamna Diab Rat Ngoinna mbukna min, na aia kai nanambi teac.

20 Na aia an Diab Rat Ngoinna mbumbukca aia an iarwarna watna taup ŋgam ndiŋa taŋ mbuknandet. Na an taupca Iesusa ndo ngoinna gootrinan, ma an raraŋit aniaca tiŋa mboraca loraca eacrenanmo, ma an ndiŋa mbukca gootrina. Na an raraŋitta ma Iesusna tik toc.

---

**10:16** Ier 31.33, na Ib 8.10    **10:17** Ier 31.34, na Ib 8.12    **10:19**  
 Ro 5.2, na Epe 2.18, na 3.12, na Ib 4.16, na 9.8, na 9.12    **10:20**  
 Mt 27.51, na In 10.9, na 14.6, na Ib 9.3, na 9.8

21 Na aia taup ndamoot paŋan aniacap, na Raraŋ Aetaniacna meikramtairmo muruŋcamiŋa ma bubuocrenan.

22 Na ma ndona racaindpaikmo aina nikinik iroar inkara kerinan, te, aina tipemb ŋgorikta makukarmo aia morenanmo, ma mo mainandet, na aimo moca aia lamŋinandet, aia Raraŋ Aetaniacna lamniac ŋgoutta aia rat ŋgoinna ndeacrenan. Na ma aina tikembmo puk rat ŋgoin mbuŋa tukirinan. Ainda moca aia ndorita nikemb inkar teacrena paparuna tipemb kirarirmo mo kecari, na aia Raraŋ Aetaniacmo, gidik ŋgoinna ripac, na man ndambuŋmo taŋi rambuŋaina.

23 Te, aia ndorita ritipaikapa, reik laiŋmo aia lambirenanmo, aia anna kamb ndoprena. Aintik aia ndorita ritipaikmo utiŋa gagraca, na aia kai nanambi teac, na kai rugut mo teac. Na aia lamŋirena, Raraŋ Aetaniaca ma mo ndoprina reicka ma muruŋcamiŋa gidik ŋgoinna monandet.

24 Na aia Raraŋ Aetaniacna meikramtairmo aia kabe, kabea min motocmo lamŋiraŋ te, mina iroarmo mo ŋgepca mina kabena meikramtairmo matŋina, na mina minmo tipemb kirarir laiŋga mona.

25 Ainda moca aia Raraŋ Aetaniacna meikramtair, aia tumbunna tikna tipemb kirarirmo kai ndarekrekke teac, ainta tipemb

---

**10:21** 1 Ti 3.15, na Ib 4.14    **10:22** TN 8.30, na Esi 36.25, na Epe 3.12, na 5.26, na Ib 9.14, na Ie 1.6, na 1 Io 3.21    **10:23** 1 Te 5.24, na 2 Te 3.3, na Ib 4.14, na 11.11    **10:25** Ro 13.11, na Pil 4.5, na Ib 3.13, na 2 Pi 3.9-11, na 3.14



kirarira ramtair ndeida mba morenanna. Na ne lamjirenan, Karaisna Ra, ma kipca rambuñairinan. Aintik aia kabe, kabea gagraca aiña moca kabena meikramtairta nikinik iroarmo, moi gagrana.

*Na Rarañ Aetaniacna Nuocmo aia iña kai neañ teac*

<sup>26</sup> Na ne warac. Aia Karaisna kam gidik mbuñña landamñi anjiatna. Na iñmbaia aia ndorita iroarapa toñtongar puñña tipemb ñgorikta makukarmo anduna moca ranjaica tañrañ te, an tipemb ñgorikta makukarmo, mo kecarina kabena gimbam kocor. Wanaiñ ngoin.

<sup>27</sup> Aintik aia ritri waparacna ra aniacapa, an tac bagaraniaca wirna kocroca Rarañ Aetaniacna puññañgepmo wirnanmo, aia rugdar mocarica anna ndabinandet.

<sup>28</sup> Na aia lamjirenan, ramoot ianna ma Mosesna Tip Wandikmo iñ neañca ranjai ñgocor, na ramoot mbuniñ, co, mbonkaca watca manmo mbop laru te, mina mana moca gidikca mba kadmaiitndai. Mina manmo, mo menacnandet.

<sup>29</sup> Na ramoot ianna Rarañ Aetaniacna Nuocmo iñ neañ te, na mana aiñmo reac ñgoreaca mo te, Rarañ Aetaniaca manmo tida moit? Ma an ramootmo girgira tamuñ ngoinna neañnandet. Na Karaisna racaindpaik mbuñña ma kam ñgammo leaca moa gagnarinan, na ma an ramootmo moca ma Rarañ Aetaniacna ramoot

---

**10:26** Ndu 15.30, na Ib 6.4-8, na 2 Pi 2.20-21    **10:27** Ais 26.11, na Ib 12.29    **10:28** TW 17.6, na 19.15, na In 8.17, na 2 Ko 13.1

**10:29** NA 24.8, na 1 Ko 11.29, na Epe 4.30, na Ib 12.25, na 13.20

rat ndarurina. Na an ramoot, mandeaca ma an racaindpaikmo moca ma reac wanaiŋ malaruat. Ri, ma kakadmaina Ŋeronŋmo pepereca mbop-rina.

<sup>30</sup> Na aia lamŋirenan, Raraŋ Aetaniaca ma gaindopatna, “Tipemb ŋgorikta kirarirta nda ruruti, anna aukna aiŋ. Aku ndo mina tipemb ŋgorikta makukarmo rutica minmo mo ŋgocrainandet.” Na ma gaind mac mbopatna, “Kacootta ma ndo ŋgoinna meikramtairmo ritri waparaca monandet.”

<sup>31</sup> Na meikramtaira tipemb ŋgorikca morenanna, mina Raraŋ Aetaniacna iarwar ndeacrena kaŋgaukca kip te, an meikramtair mina manmo gidik ŋgoinna nanambinandet.

*Aia ritipacna moca gagraca witik*

<sup>32</sup> Na ŋgaua nenmo larurina reikca ne lamŋiri. Na an minna ne Raraŋ Aetaniacna kambmo lamŋirina. Na an minna mina nenmo makukar anik neaŋrenan, na ne giŋgir anikca ne maanŋiat. Na an makukarmo ne witikca gagraca minmo mba irikreke.

<sup>33</sup> Na kidrikar ndeida mina nemo aŋgica laruca meikramtairta outta tikca, mina nenmo numbirta kamb topri, na nenmo tipemb ŋgorikca morina. Na kidrikar ndeida meikramtaira ainta makukar aŋgirinanmo, ne mina miŋca minap eacrenan, na ne minmo otacrena.

---

**10:30** TW 32.35-36, na Ŋap 50.4, na 135.14, na Ro 12.19    **10:31** Lk 12.5    **10:32** Gal 3.4, na Pil 1.29-30, na Kol 2.1, na Ib 6.4  
**10:33** 1 Ko 4.9, na Pil 1.7, na 4.14, na 1 Te 2.14

<sup>34</sup> Na mina nena ndeidmo kac ngoreaca tikatke, ne minmo kadmaica minmo tip laņa morinan. Na mina nena reikmo aņģiri, ne kaega mba mori, ne anmo toņtoņ niņgik. Na ne lamņirenan, nena reac gidikca eacrenan, na anna ma memetmbaca eacraņnandet.

<sup>35</sup> Na an tipemb kirarir lainņa, ne ngaua morinan, ne anmo lamņiraņ te, na nena ritipac gargarmo ne kai kecari teac. Ne gagraca witik te, ne opoik aniaca aņģinandet.

<sup>36</sup> Na ne witik gagraca eac te, ne Raraņ Aetaniacna toņtoņmo raņgainandet. Te, atua Raraņ Aetaniaca nemo babuca neaņ ndoprina reik lainņmo ne aņģinandet.

<sup>37</sup> Na Raraņ Aetaniacna timbigta kapca gaindoprina, “Kidrik rocotta wanaiņ, na mandaia kip ndoprinanna, ma kipnandet, na ma kidrik rocot ngoinna mba lambiitndai.

<sup>38</sup> Na meikramtaira mandaia aukna ritipac ngutiņ te, aukna lamņiac ngoutmo mina wandoņ ndeacnande. Na mina iarwarna eteacna wat gidikap eacraņnandet. Na mina aukmo ga witik te, aku minmo mba toņgoitndai.”

<sup>39</sup> Na aia mba ga witikrenanna, na taprekeitndai, wanaiņ. Aia meikramtaira ritipacnan, na iarwarna eteacna wat aņģina meikramtair.

---

**10:34** Mt 6.20, na 19.21, na 19.29, na Lk 12.38, na Up 5.41, na Pil 1.7, na Ie 1.2    **10:35** Mt 5.12, na 10.32    **10:36** Lk 21.19, na Gal 6.9, na Kol 3.24, na Ib 6.12, na 9.15, na 12.1    **10:37** 2 Pi 3.9  
**10:37** Aba 2.3-4    **10:38** Ro 1.17, na Gal 3.11    **10:39** 1 Te 5.9, na 2 Te 2.14, na 2 Pi 2.20-21

## Aia Raraŋ Aetaniacmo ripaca witiki gagra

### 11

(11—13)

*Ritipacna tipna kirarna minin*

<sup>1</sup> Na ritipacna tipna kirara ma gaind. Aia gainda matau lamñirenan, reik lain, lainga Raraŋ Aetaniaca aimo baburinan, na ma aimo neaŋ ndoprinanna, anna aia aŋgina lambirenan, aia gidik ŋgoinna aŋginandet. Na aina lamnikca an reikmo wat ŋgocor, aia matau lamñirenan, an reikca muruŋcamiŋa eacrenan.

<sup>2</sup> Na ritipac mbuŋa atuna meikramtaira mina Raraŋ Aetaniacmo ripacatna, na ma mina tipemb kirarirta moca ma tonŋon ŋgoin, aintik ma minmo meikramtair lain toprenan.

<sup>3</sup> Na aia Raraŋ Aetaniacmo ripacrenan, tik, aia lamñirenan, ma gan tiacarpaikapa riacmo, ndona up mbuŋa mbopatke, ma moa laruatna. Aina moca reikca aia muruŋcamiŋa watna min, ma an mbuŋa mba moatke, anna aia wat ŋgocorta reik puŋga Raraŋ Aetaniaca moatnan.

*Abolapa, Enokapa, Noa, mina Raraŋ Aetaniacmo ripacatna ramtairpaik*

<sup>4</sup> Na Abol ma Raraŋ Aetaniacmo ripacrinan tik, ma manmo gimmbamba morinan. Ri, Raraŋ Aetaniaca mana gimmbambmo tonŋorinan, na ma Keinna gimmbambmo mba tonŋoatke. Na Abola

---

**11:1** Ro 8.24-25, na 2 Ko 4.18, na 5.7    **11:3** RL 1.1, na Ŋap 33.6, na 33.9, na In 1.3, na 2 Pi 3.5    **11:4** RL 4.3-10, na Ib 12.24, na 1 Io 3.12

Raraŋ Aetaniacmo ripacatke, anna miniŋna moca, Raraŋ Aetaniaca mana neaŋrina reik lainŋmo tonŋorinan. Na anna aimo wandacrinan, aintik Raraŋ Aetaniaca manmo ramoot wandoŋ ŋgacrina. Na Abola ma menacri, na mana an ritipac mbuŋa, mana an kamma aimo mambo-preke.

<sup>5</sup> Na Enoka ma Raraŋ Aetaniacmo ripacri tik, ma manmo auŋ tamuŋ naaŋgi gacatke, ma mba menacri. Na meikramtaira mana moca oreri, na mina manmo mba watri, Raraŋ Aetaniaca manmo maŋgiat. Na Raraŋ Aetaniacna timbigta kapca gaidopatna, an kidrikca Raraŋ Aetaniaca Enokmo aŋgi ŋgocor ndeacri, ma manmo tonŋorinan.

<sup>6</sup> Na meikramtaira Raraŋ Aetaniacmo ripac ŋgocor te, ma minmo mba tonŋoitndai. Ainda moca mandaia Raraŋ Aetaniacmo taŋga ram-buŋaina mo te, ma gaimda ripaca lamŋi, Raraŋ Aetaniaca eacrena, na meikramtaira Raraŋ Aetaniacmo orerenanna ma minmo matau ŋgoinna morenan.

<sup>7</sup> Na iŋmbaina laruna reikta kammo, Raraŋ Aetaniaca Noamo mambopat, na Noa, ma Raraŋ Aetaniacmo ripacrenan tik, an reik laru ŋgocor ndeacri, na ma mba watri. Ma Raraŋ Aetaniacmo ripacatke, ma laŋgumma moatna. Ri, manapa, mana meacap mombonikca, mina laŋgummo mbukca mba ŋgocrairi, mina laŋ maecat. Na an ritipac mbuŋa Noa, ma gan tiacarpaikna meikramtairta tipemb ŋgorikta

makukarmo, moa larurinan. Ainda moca Noa, ma Raraŋ Aetaniacmo ripacatke, ma manmo ramoot wandoŋ maacat, na an kirara meikramtaira manmo ripacrenanmo, ma minmo ainda morenan.

*Abraamapa, Sara maniŋa Raraŋ Aetaniacmo ripacatna*

<sup>8</sup> Na Abraam, ma Raraŋ Aetaniacmo ripacrenan tik, an kidrikca Raraŋ Aetaniaca manmo acatke, ma mana kammo maraŋgaiat. Na ma ndona auŋmo tikcarica Raraŋ Aetaniaca manmo neaŋ ndoprina pitrik ian matanŋat, na an pitrikca Raraŋ Aetaniaca manmo neaŋrinan. Na Abraamma ndona tataŋna taupmo mba lamŋiri, ma Raraŋ Aetaniacmo ripacatke, ma matanŋat.

<sup>9</sup> Na ma ripaca ma tanŋa, Raraŋ Aetaniaca manmo atua neaŋ ndoprina, pitrikca tanŋa an mambiracat. Na ma an pitrikmo kabena auŋna ramootta tanŋa eacrena kirar toc maeacat. Na ma amta ŋgoaebta inŋir puŋga morena kaik teacrenan. Na Aisakapa, Iakop toco, an kirara eacrenan, na mina muruŋa Raraŋ Aetaniaca minmo an pitrikmo neaŋna baburina.

<sup>10</sup> Na ritipac mbuŋa Abraamma Raraŋ Aetaniaca ndona landamŋi mbuŋa lamŋica moatna auŋ aniacna lambirenan, na an auŋ aniacna ma iarwara eacraŋandet.

<sup>11</sup> Na Sara toco Raraŋ Aetaniacmo ripacrenan.

---

**11:8** RL 12.1-5, na Up 7.2-4    **11:9** RL 12.8, na 13.3, na 13.18, na 18.1, na 18.9, na 26.3, na 35.12, na 35.27, na Ib 6.17    **11:10** Ib 3.4, na 13.14, na KIEK 21.2, na 21.10    **11:11** RL 17.19, na 18.11-14, na 21.2, na Ro 4.21, na Ib 10.23

Ma meac bagar, na ma kopica eacrenan, na mana mombonikca mimirna kidrikca ma kundri, na ma Raraŋ Aetaniacmo ripacri tik, Raraŋ Aetaniaca manmo gargar neaŋgat, na ma moonnuoc mamirat. Karica ma gaind malamŋiat, "Raraŋ Aetaniaca aukmo baburinan, aintik aku moonnuoca mirrina. Na ma mba parurenan, ma kam gidik niŋgikca mboprenan."

<sup>12</sup> Ainda moca Abraamma ramoot bagar ŋgoin, na ma menacna rambuŋairi, na ma mombonik rimbnar witna aet malaruat. Na mina wit aniac ŋgoinna larurinan, na minmo nduna towanaiŋ, mina ndunduca riac tamuŋna guiarapa, maŋarna timgunna kirar toc ŋgoin.

<sup>13</sup> Na an ramtairpaikca Raraŋ Aetaniacmo ripacrinanna, mina manmo ripaca tanŋa mina menacrina. Na an kidrikca mina gan tiacarpaikca eacri, Raraŋ Aetaniaca babuca neaŋ ndopatna reik laiŋga mina mba aŋŋiatke. Na anna kirara gaind, mina tawan toc ndeaca an reikmo watrenan, na mina an reikmo watna tonŋorenan. Na mina gaindopna numbira mba mori, "Aia gan tiacarpaikca eacrenanna, aia kabena pitrik waŋna meikramtairta kirar toca eacrenan. Na gan tiacarpaikmo aia kidrik rocotta mba eacitndai."

<sup>14</sup> Na meikramtaira ainta kamb toprenan, na aia warac te, aia lamŋinandet, anna mina ndorita pitrik waŋ ŋgoinna ŋgorerenan.

<sup>15</sup> Ainda moca mina tikcarica kipatna pitrikna ndamŋiraŋ te, mina manmo nda taŋna min.

---

**11:12** RL 15.5, na 22.17, na 32.12, na TW 10.22, na Ro 4.18-19

**11:13** RL 23.4, na 1 Nin 29.15, na Nŋap 39.12, na 1 Pi 1.17, na 2.11

16 Na an ramtaira mina ndorita pitrik bagarna mba lamñiri. Wanaiñ. Mina an tiacarpaik ngam angina tonñon ngoin, na ma lañ ngoin, na gan tiacarpaikmo ma kunda tamuñmbai. Na an tiacarpaikca, anna ma tamuñna auñ niñgik. Na an ramtaira Rarañ Aetaniacmo gaindoprenan, “U aina Rarañ Aetaniac.” Na Rarañ Aetaniac, ma mina an kamna moca numbira mba mori, an ramtaira manmo ripacrinan, na mina eacna auñ aniaca ma kocrorinan.

17-18 Ri, Rarañ Aetaniaca ma Abraammo gainda baburina, “Aisak mbuñ tik, una nicar ngamrirta mombonikca larunandet.” Na an minna Rarañ Aetaniaca Abraammo towaia, gaindoprina, “U ndona an nuoc kabe Aisakmo, mo menaca gimbamba mo.” Ri, Abraamma Rarañ Aetaniacmo ripacatke, ma Aisakmo kocroca Rarañ Aetaniac maneangat.

19 Na Abraamma gaind malamñiat, “Aisaka menac te, Rarañ Aetaniaca manmo nda mo ngepna min.” Ainda moca aia an reac larurinnanna, aia gidik tamuñna kam roormo gaindopna, “Abraamma ma ndona moonnuoca menacrinanmo, ma mac nda maangiat.”

*Aisakapa, Iakopapa, Iosep mina Rarañ Aetaniacmo ripacatna ramtairpaik*

20 Na Aisaka ma Rarañ Aetaniacmo ripacatke, ma Iakopapa, Isomo opotac lañ neangatna. Anna inmbaia maninmo otacnande.

---

11:16 NA 3.6, na 3.15, na Mk 12.26, na Up 7.32, na Pil 3.20, na Ib 13.14    11:17-18 RL 21.12, na 22.1-14, na Ro 9.7, na Ie 2.21-22

11:19 Ro 4.17-21    11:20 RL 27.27-29, na 27.39-40



<sup>21</sup> Na Iakop ma menacna mori, ma Raraŋ Aetaniacmo ripacatke, ma Iosepna nuocniŋmo opotac laŋ maneangat. Na ma ndona ndindipac mbuŋa dipaca eacri, ma Raraŋ Aetaniacmo paŋan ramtukca mambendeiri.

<sup>22</sup> Na Iosep ma Raraŋ Aetaniacmo ripacrenan tik, ma menacna mori, ma gaindopatna, iŋmbaia Israelnangepca Isip tikcarica taŋnandet. Na ma minmo ndona wairna gagrirmo titoca mona kammo mambopat.

*Mosesa ma Raraŋ Aetaniacmo ripacatna*

<sup>23</sup> Na Mosesna aemmapa aetta Raraŋ Aetaniacmo ripacatke, maniŋa manmo karwai mbonkaca aŋgia iŋgoroca eacri, na maniŋa watri, ma moonuoc taror laŋ malarucat, ri, maniŋa an gagrirta ramoot paŋanna tipna moca mba nanambiri.

<sup>24</sup> Na Moses ma Raraŋ Aetaniacmo ripacatke, ma ramoot acnaiatke, na ma ndomo gagrirta ramoot paŋan Perona moonna nuoc ndopna kari ŋgoin.

<sup>25</sup> Na ma ndomo Raraŋ Aetaniacna meikramtairap makukar aŋgina toŋtoŋap, na ma an tip ŋgoreacna makukna toŋtoŋa ranŋaica eteaca ma mba toŋgorenanna, na an eteaca ma kidrik tekemmotemna reac niŋgik.

<sup>26</sup> Na ma gaimda lamŋirenan, ma Raraŋ Aetaniaca babuca mbagirica kipca aimo mac nda aŋgina ramootmo moca numbira mo te, anna

lan, na anna ma Isipna kitukndukapa lamboir lainmo kunda tamuɲmbai. Na ma lamɲirenan, an opoik laɲa Raraɲ Aetaniaca manmo neaɲ ndoprinanna moca, ma gagraca mawitikat.

<sup>27</sup> Na Raraɲ Aetaniacmo meikramtaira manmo mba watrenan. Ainda moca Mosesa Raraɲ Aetaniacmo ripacatke, ma Isipmo tikcariatna. Na an gagrirta ramoot paɲanmo ma mba nanambiatke, wanaiɲ. Aintik Mosesa an ramootta Raraɲ Aetaniacmo lamniac mbuɲa watrina kirar toca taɲrenan, ainda moca ma witikca gagraca maeacat.

<sup>28</sup> Na Moses ma Raraɲ Aetaniacmo ripacatke, ma Pasowana Rana tip kirara moa malaruri, na ma meikramtairmo mbopca mina sipsip aɲgica, mo menaca mana racaindpaikmo aɲgica ndorita kaikta tiɲa tikri, te, an guina nuikmo mo menacrena mbaiɲna aiɲa morena ɲerona, ma an Israelnanɲepta guina nuikmo mba mo menacitndai.\*

*Na Israelnanɲepta mina wit ɲgoinna Raraɲ Aetaniacmo ripacatnan*

<sup>29</sup> Na Israelnanɲepta mina Raraɲ Aetaniacmo ripacatke, mina Macait Laupmo kataca mina mana pitrik gargar nambat ndiɲa monmbai waɲa taɲgatna, na Isipnanda minmo ranɲairi, mina puk amba mamenacat.

---

**11:27** NA 2.15, na 10.28-29, na 12.37, na 12.51, na 14.13, na Ro 1.20, na 1 Ti 1.17, na Ib 11.1, na 11.13      **11:28** NA 12.21-30

\* **11:28 Pasowana Ra:** Matiu sapta 26 wes 2na inikca wat. An kam tip kirar kabe toc an ndeacrena.      **11:29** NA 14.21-31

<sup>30</sup> Na Israelnangepca Raraŋ Aetaniacmo ripacatke, mina Ierikona wuoc aniacmo rai parmabaiapa mbut mbuniŋmo korereatke, ma mairikat.

<sup>31</sup> Na meacramootna kaŋtertaapna tip kirara morena meac Reap, ma Raraŋ Aetaniacmo ripacatke, ma ramootniŋa an auŋ aniacmo iŋgoroca watna kipatnanmo otacatna. Aintik Reapa an auŋ aniacna meikramtaira Raraŋ Aetaniacmo ndarenanmo, ma minapa mba ŋgocraiatke.

<sup>32</sup> Na kaina kamma aku mac mbopit? Na gan ramtairpaik, Gidionapa, Barakapa, Samsonapa, Ieptaapa, Dewitapa, Samuelapa, an rambca morina ramtair, mina nininia mona kidrikar kocor.

<sup>33</sup> Mina Raraŋ Aetaniacmo ripacatke. Mina runduik anikmo ruŋga aŋgiatna, na gagirta ramtairta lapoca ruŋrena ramtairmo, mina minmo mo irikca, mina an Raraŋ Aetaniacna ripacatna ramtair paŋaindta kaŋgauk ndeacrina. Na an ramtair paŋainda mina tipemb kirarir wandoik tiŋgikca morenan. Na reikca Raraŋ Aetaniaca minmo neaŋ ndoprinanna, mina maŋgiat. Na laionna upmo mina kap-tikirinan.

<sup>34</sup> Na mina tac anikmo, mo pikrinan, na bugrim mbuŋa mo menacna mori, mina kipcariri, na mina gagrar kocor ndeacri, na iŋmbaia mina

---

**11:30** Ios 6.12-21      **11:31** Ios 2.1-21, na 6.22-25, na Ie 2.25  
**11:32** RP 4.6—5.31, na 6.11—8.32, na 11.1—12.7, na 13.2—16.31,  
na 1 Sml 1.1, na 1 GRP 2.11      **11:33** RP 14.5-6, na 1 Sml 17.34-35,  
na 2 Sml 7.11, na Dan 6.1-27      **11:34** RP 15.8, na 15.15, na 1 GRP  
19.3, na 2 GRP 20.7, na Dan 3.1-30

gargar maangiat. Na mina runduikta ramtair anik taruca kabena auṅna lapoca ruṅrena ramtairmo ruṅga kitac irikrina.

<sup>35</sup> Na menacatna meikramtair ndeida mac ṅgepca, mina meikpitikca minmo mac nda maangiat. Na meikramtair ndeida mina puṅṅgepca minmo pia ṅgocairinan, na tipemb kirarir ṅgorikca mori, na minmo Raraṅ Aetaniacmo iṅ neaṅ te, minmo wattacarica mina taṅna. Na mina minmo mba waracatke, mina lamṅirenan, mina menac te, mina mac ṅgepca, iarwarna eteacna wat aṅṅinandet.

<sup>36</sup> Na mina ndeida mina minmo pepererina kam mbuṅa mboprinan, na mina ndeidmo paraṅ mbuṅa piri, na mina ndeidmo minmo lawirta ṅṅair puṅga leaca kac ṅgoreaca tikrina.

<sup>37</sup> Na mina ndeidmo mina minmo watur puṅga riṅga menacatna, na ndeidmo mina so mbuṅa mina tikembmo tipniṅna wawirrina. Na mina ndeidmo bugrim mbuṅa mo menacatna. Na mina ndeida, mina tik ṅgapaocna reik kocor tik, mina sipsipapa, memena iṅit aṅṅica leaca taṅrenan, na mina reik kocor koind, na mina puṅṅgepca minmo tipemb kirarir ṅgorikca morenan, na minmo makukara neaṅrenan.

<sup>38</sup> Na gan tiacarpaikca ainta meikramtaira man ndeteaca laṅa wanaiṅ. Aintik mina an ramtair kocorta taupapa, taukruirmo tamtamca taṅrenan, na mina taukruirta aurembapa,

---

**11:35** 1 GRP 17.17-24, na 2 GRP 4.25-37, na Up 22.25      **11:36**  
1 GRP 22.26-27, na 2 Nin 18.25-26, na Ier 20.2, na 37.15, na 38.6

**11:37** 1 GRP 21.13, na 2 GRP 1.8, na 2 Nin 24.21, na Up 7.58, na 14.19      **11:38** 1 GRP 18.4, na 19.9

pitrikna aurembca eacrenan.

<sup>39</sup> Na an meikramtaira muruᅇa Raraᅇ Aetani-acmo ripacatke, mina mana lamniac ᅇgoutmo iremb laiᅇ koinda aᅇᅇirinan. Na an kiᅇriᅇca mina gan tiacarpaik ndeacrinanna, mina an Raraᅇ Aetaniaca babuatna reac laᅇa mina mba aᅇᅇiatke,

<sup>40</sup> Raraᅇ Aetaniaca ma atu ᅇgoinna ma aimo reac laᅇa ᅇgoinmo aimo kocroca eacrinan. Na an atuna meikramtaira aimo outta laᅇa ᅇgoin ndatarua Raraᅇ Aetaniaca ainda mba toᅇᅇorinan. Wanaiᅇ. Ma toᅇᅇorinanna, aia minapmo muruᅇa laᅇa ᅇgoin ndaruna.

## 12

### *Aia Iesusmo watca manmo ripacraᅇ*

<sup>1</sup> Ainda moca an atu ᅇgoinna meikramtaira, mina aimo riac tamuᅇna dim aniacna kirar toca korereca eacrena, na mina aimo watrena. Aintik an reikca aimo moca aia paᅇpaᅇa mba ootrenanna, an tipemb ᅇᅇorikta makukara aimo muruᅇa utiᅇga eacrenanmo tikcari. Te, aia ndorita nikinik iroarmo mo gagraca, an katumma Raraᅇ Aetaniaca aimo ootna larapacatnanmo aia ootna.

<sup>2</sup> Na aia ndorita lamnikmo Iesusmo tikraᅇ, ma aina ritipacna miniᅇ, te, iᅇmbaia ma aina ritipaikmo, mo minna tiknandet. Na ma lamᅇirenan, ma Raraᅇ Aetaniacna kammo matau ᅇgoinna ranᅇairanᅇ te, iᅇmbaia ma

---

**11:40** Ib 5.9, na 7.22, na 8.6, na KIEK 6.11    **12:1** Ro 7.21, na 12.12, na 1 Ko 9.24-25, na Pil 3.13-14, na Ib 10.36, na 1 Pi 2.1  
**12:2** Pil 2.8, na Ib 1.3, na 1.13, na 1 Pi 1.11, na 3.22

tonɔnɔpapa, eteac laɲ ndeacnandet. Na ma anna ndamɲica ma gagraca eacrinan, na ma girgir aɲɟica, ma ik nakeraca mamenacat. Na ik naaɲɟi kekeraca mina gaind ndamɲirenan, ramootta ma anna kerac te, ma ramoot ɲgoreac ɲgoin, na ma numbira aɲɟirenan. Na Iesusa an numbirmo ma maɲɲiat, na ma mba nduri. Na mandeaca ma Raraɲ Aetaniacna mbiracrena mbibiracna taupmo, par umbaia mbiraca eacrina.

*Raraɲ Aetaniaca aimo makukar neaɲrenanna ma aimo wandoɲaina morenan*

<sup>3</sup> Na ne matau lamɲi, atuna tipemb ɲgorikta makukara morena meikramtaira, mina Iesusmo puɲndamootta morina. Na anna moca ma gagaraca mawitikat. Ainda moca ne an ndamɲiraɲ te, ne gagraca witikca eac, na nena nikinik iroara mba ɲgep ɲgoreac naɲgepitndai.

<sup>4</sup> Na ne tip ɲgoreacna makukca mo irikna moca, ne maruɲgat, na an runduɲa nena racaindpaikca mba kactacri.

<sup>5</sup> Na an nena iroar inkara mo gagrana kamma Raraɲ Aetaniaca nenmo mana nuik toprianna, ne ndarekrekeri ki? Na ma gaindopatna, “Aukna nuoc, Kacootta unmo mo wandoɲaina, na ma reac ianna mo te, u anmo reac wanaiɲa kai mbop teac, na u nikinik iro kai makuku teac.

<sup>6</sup> Na anna Kacootta ma matɲirena meikramtairmo, ma minmo wandoɲairena. Ainda moca ma aterta ianmo aɲɟica ma manmo

---

**12:3** In 15.20, na Gal 6.9    **12:4** 1 Ko 10.13, na Ib 10.32-34    **12:5**  
Iop 5.17, na ML 3.11-12    **12:6** ɲap 94.12, na Ie 1.12, na KIEK  
3.19

ndona nuoc ndop te, ma manmo makukara neaŋ te, anna ma manmo wandoŋairena.”

<sup>7</sup> Na ne gagraca witik te, Raraŋ Aetaniacmo watcarica ma nenmo riptia wandoŋaina. Na an tipemb kirarir toca aetera ndorita nuikca morenan, ma an tipna kirar toco nemo ainda monandet. Na titocna nuoc, ma eacrenanna, mana aetta manmo mba wandoŋairenan? Wanaiŋ.

<sup>8</sup> Na Raraŋ Aetaniaca ma ndona nuikmo murŋcamiŋa wandoŋairena. Na ma nenmo wandoŋai ŋgocor te, ne lamŋinandet, ne mana nuik koinda wanaiŋ. Anna ne rikca mimirna nuikta kirarir toc.

<sup>9</sup> Na ne an motocmo lamŋi. Aina gan tiacarpaikna aetera mina aimo wandoŋairena, na aia minmo toriraŋ. Aintik aia ŋerngaurta Aetna kaŋgaukca eac, na ma Raraŋ Aetaniac, na aia mana eteacna wat laŋ aŋŋinandet.

<sup>10</sup> Na aina gan tiacarpaikna aetera mina ndorita tonŋon mbuŋa aina tipemb kirarirmo, kidrik matip motemma wandoŋairena. Na Raraŋ Aetaniaca ma aimo wandoŋairena, na anna ndo ŋgoinna aimo otacnandet, te, aia mana tip rat aŋŋia man toca larunande.

<sup>11</sup> Na an kidrikca Raraŋ Aetaniaca aimo wandoŋaina makukca neaŋ te, aia mba tonŋorenan. Aina iroar inkara makukap eacraŋnandet. Na ma aimo wandoŋai te, aia tipemb kirarir laiŋ koind aŋŋinandet. Aina moca iŋmbaia aia

---

**12:7** TW 8.5, na 2 Sml 7.14, na ML 13.24, na 23.13    **12:8** Np 73.15, na 1 Pi 5.9    **12:9** LR 12.7, na Ais 42.5    **12:10** TN 11.44, na 1 Pi 1.15-16    **12:11** Ie 3.17-18

tipemb kirarir wandoikca morañ te, aina iroar inkara wewetara eacnandet.

*Aia wakikia aia gagraca witik*

<sup>12</sup> Ainda moca ne ndorita tutpemb ngorikmo wandonjai, na bobororena pairmo angi ngep,

<sup>13</sup> na taupmo wandonjai te, nena our kumbutara lainga tajnande, na mina mba ngocrait. Mina lain koind mac larunandet.

<sup>14</sup> Na ne gagraca tip kirar lajna mbibiraca rangai te, ne kabena meikramtairmo muruņa nikinik iroa lajanna wetwetta eac. Na ne Raraņ Aetaniacmo gagraca aiņa moca ndorita wat neaņna, na mana tip kirar ratmo rangai. Na ramootta ma Raraņ Aetaniacna tipemb kirarir kocor, ma Kacootmo mba watitndai.

<sup>15</sup> Na ne ndorimo matau wat, moca nena ianna irikca Raraņ Aetaniacna kakadmaica tikcarinandet. Na moca nena ianna ik loora tararar kocora errenan toca laru nari, na ma nemo makukca neaņnandet, na Raraņ Aetaniacna lamniac ngoutmo ne muruņa ratta mba laruitndait.

<sup>16</sup> Na moca ramoot ianna, ma meacramootna kaņtertaapna tip kirara, rangai nari. Na moca ramoot ianna Raraņ Aetaniacmo iņ neaņ nari, an kirara atua Isoa ma moatna. Ma ndomo amna reacmo kidrik kabe niņgik maoikat, na mana aetna reik lainga, nuoc lacaua anģirenanna, ma kecamacariat.

---

**12:12** Ais 35.2    **12:13** ML 4.26, na Gal 6.1    **12:14** Njap 34.14,  
na Ro 12.18, na 2 Ko 7.1, na Epe 5.5, na 2 Ti 2.22    **12:15** TW  
29.18, na Up 8.23, na 2 Ko 6.1, na Gal 5.4, na Ib 3.12    **12:16** RL  
25.29-34



<sup>17</sup> Na ne lamñirenan, inmbaia ma an reikmo mac nda anğina mori, na mina manmo wanain mambopat. Ri, Iso ma nananae aniacca mori, na ma ndona iro inik ngetrikina taupemb kocor.

*Na auñ tamuñna Ierusalemma aia larurina*

<sup>18</sup> Na an reikca Israelnangepca moatnanna, ne mba watri, na ne ndorita pair punğa mba utinri, an kidrikca nemo mba laruatke. Mina tanğa Sainai takurmo rambuña eacri, mina tac aniacapa neaupdirin aniacapa, murmur aniacmo mina mawatat.

<sup>19</sup> Na taurna mitmit aniacca kam rapacri, mina waracatnanna ramoot ianna upna kamma mambopat. Ri, an meikramtaira an kam mbaraca mina Mosesmo aemañmañap gaindopatna, “Aia an kam mac waracna karirinan.”

<sup>20</sup> Na Rarañ Aetaniaca minmo neangatna kamna moca mina kocnaia mananambiat. Na ma minmo gaindopatna, “Ramoot ian, co, amna nğoaem ianna an takura ga te, ne anmo watur punğa riñi tanğa ma menac.”

<sup>21</sup> Na an reaca mina wattatnanna, minmo moca mina nanambirinan. Ri, Moses toco ma gaindopatna, “Auk toco rugut mocarica nanambica nekrinan.”

<sup>22</sup> Na aintocna reaca nenmo mba larurinan. Na ne Saion takurmo kipca malaruri, na anna iarwarna eteacna watapna Rarañ Aetaniacna auñ aniacmo malaruat. Na anna an tamuñna auñ

---

**12:17** RL 27.30-40      **12:18** Ro 6.14, na 2 Ti 1.7      **12:18** NA 19.16-22, na 20.18-21, na TW 4.11-12, na 5.22-27      **12:20** NA 19.12-13      **12:21** NA 19.16, na TW 9.19      **12:22** Njap 68.17, na Gal 4.26, na Pil 3.20, na KIEK 5.11, na 21.2, na 21.10

Ierusalem. Na Raraŋ Aetaniacna mbaiŋna aiŋa morena ɲeɲŋgaur wit anikca punica weraica eacrenanna, ne malaruat.

<sup>23</sup> Na ne Raraŋ Aetaniacna guina mombonikca punirena tumbunmo ne malaruri, na anna an wiwitta Raraŋ Aetaniaca mina irembmo tamuŋna auŋmo ndona timbigta kapca tirca eacrinan. Na an ritri waparacna ramootmo, ne malaruri, na ma meikramtair muruŋna Raraŋ Aetaniac. Na ramtairta ɲeɲŋgaura atua Raraŋ Aetaniaca minmo ramtair wandoik ɲgacrenan, na mina laiŋ tarurinanmo ne minmo larurinan.

<sup>24</sup> Ainda moca ne Iesus ndambuŋmo malaruat, na ma leacatna kam ɲgamca mo gagarana rikca witikca eacrena ramoot. Na Iesusna racaindpaikca atua ma nemo kerinan, na an leacatna kammo, mo gagarananmo ne malaruat. Na an racaindpaikca ma aimo wiwitina kam ndoprinan, na an atua Abolna racaindpaikca wiwitia mbopatna kamna kirara wanaiŋ. Na Iesusna racaindpaikca ma kam laŋmo wiwitirenan ɲgoin.

### *Na aia ndorimo matau wat*

<sup>25</sup> Ainda moca ne matau wat, moca ne ndorita kourmo mo mboraca Raraŋ Aetaniacna kammo nda mbopnandet. Na atua ɲgoinna Raraŋ Aetaniaca gan tiacarpaikna moca ma meikramtairmo kam gargar maneaŋgat. Ri, mina mana kammo mba toŋgoca waracatke, aintik iŋmbaia mina

---

**12:23** Lk 10.20, na Pil 4.3, na Ib 11.40, na KIEK 13.8, na 14.4

**12:24** RL 4.10, na Ib 8.6, na 10.22, na 11.4, na 1 Pi 1.2      **12:25**  
NA 20.22, na Ib 2.1-3, na 3.17, na 10.26-29

kipcarica ndorita tipemb ṅgorikta makukarta opoikmo iukaina minna wanaiṅ. Ainda moca mandeaca ma tamuṅna auṅa eaca, ma aimo kam gargarmo maneṅgat. Na aia manmo iṅ neaṅ te, aia kipcarica tipemb ṅgorikta makukarta opoik ṅgorikmo iukaina min ki? Towanaiṅ ṅgoin.

<sup>26</sup> Na atua Raraṅ Aetaniacna kamma ma gan tiacarpaikmo moa numairinan. Aintik mandeaca ma aimo gaind mambopat, “Oit ianna aku gan tiacarpaikapa, tamuṅna auṅmo mac moa numainandet.”

<sup>27</sup> Na ma gaindopatna, “Ma anmo kidrik kabe niṅgikca mac monandet.” Aintik aia lamṅirinan, ma gan tiacarpaikmo numai te, an reikca ma moatnanna, mina maica kocnai topnandet. Na an reikca ma numaia mina numai ṅgocortanna, mina ndori tiṅgikca eacnandet.

<sup>28</sup> Ainda moca aia aṅṅiatna bubuoca, ma mba numaitndai. Aintik aia Raraṅ Aetaniacmo kam laṅ neaṅ, ma aimo an bubuocmo neaṅgatnan. Na ma ndo toṅgorena kirarmo, aia manmo tutpemb rimbitcha manmo mbendeiraṅ. Te, mana imo aṅṅi ṅgepraṅ, na manmo torica mana moa nanambiraṅ, na mana kaṅgaukca eacraṅ.

<sup>29</sup> Na aina Raraṅ Aetaniac, anna ma tac ani-acna kirar toc, na ma reikmo muruṅa kocnaia rotaca wiri topnandet.

## 13

---

**12:26** NA 19.18, na ṅap 68.8, na Aga 2.6    **12:27** ṅap 102.26, na Mt 24.35, na 2 Pi 3.10, na KIEK 21.1    **12:29** TW 4.24, na 9.3, na ṅap 50.3, na Ais 33.14, na 2 Te 1.8, na Ib 10.27

*Aia kabe, kabea kabena meikramtaïrmo matjiraŋ*

<sup>1</sup> Na ne Iesusa ripacrena laiplacara, ne kabena meikramtaïrmo matjia minmo tonjgoraŋ.

<sup>2</sup> Aïnda moca kabena auŋna meikramtaïra nen ndambuŋ nakip te, ne minmo ndiarirta tipemb kirarirmo moran, na ne iroara kai ndarekrekke teac. Na ne lamjirenan, atuna ramtaïr ndeida aïnda moatke, na mina lamji ŋgocor, na mina Raraŋ Aetaniacna mbaiŋna aiŋa morena ŋerŋgaur ndeidmo ndiarir mamoot.

<sup>3</sup> Na meikramtaïra an kac ŋgoreaca eacrenanmo, ne lamjiraŋ, aïnta tipna kirara ne minapmo kac ŋgoreaca eacre toc, na ne anna lamjiraŋ. Na an meikramtaïrmo puŋŋaŋgepca minmo tipemb kirarir ŋgorikca morinanmo, ne minmo lamjiraŋ. Na an tipemb kirarir toco, mina minmo moatnanna, ne toco lamji, aïnta tipembta kirara nenmo laruna min.

<sup>4</sup> Na laŋtaŋgoa anna reac laŋ ŋgoin, aïntik ne muruŋcamïŋa laŋtaŋgomo torica matau ŋgoinna raupji. Te, ma Raraŋ Aetaniacna lamniac ŋgoutmo ma rat ŋgoin ndeacnandet. Na ne lamjirenan, Raraŋ Aetaniaca ma aïnta tipemb ŋgadudukar ŋgorikcapa, meacramootna kaŋtertaapna tip kirarmo ma ritri waparacmo, ma monandet.

---

**13:1** In 13.34, na 1 Te 4.9, na 1 Pi 1.22, na 2 Pi 1.7, na 1 Io 3.11, na 4.7, na 4.20    **13:2** RL 18.1-8, na 19.1-3, na Mt 25.35, na Ro 12.13, na 1 Ti 3.2, na 1 Pi 4.9    **13:3** Mt 25.36, na Ro 12.15, na 1 Ko 12.26, na Kol 4.18, na Ib 10.34, na 1 Pi 3.8    **13:4** 1 Ko 6.9, na Gal 5.19-21, na Epe 5.5, na Kol 3.5-6, na KIEK 22.15

<sup>5</sup> Na kituknduk aniaca tonƷoca morena tipna kirarmo ne kai ranƷai teac, ne gaind ndamŋi, an reikca ne utiŋga eacrenanna, anna nena min. Na Raraŋ Aetaniaca ma gaindoprina, “Aku unmo mba tikcariitndai, na aku unmo mba watcaritndai, na u wanaiŋa ndeacna, wanaiŋ ngoin.”

<sup>6</sup> Aintik aia ndorita nikinik iroarmo mo gagraca, aia gaind ndopna,

“Kacootta aukmo otacrenan, na aku mba nanam-bitndai.

Na meikramtaira aukmo reac ianna mba moitndai.”

*Na aia Iesusmo ranƷaina numbira kai mo teac*

<sup>7</sup> Na nena ritipacna tumbunna ramtair paŋaindmo lamŋiran, ŋgaua mina Raraŋ Aetaniacna kammo mina nenmo mboprinan. Na an tipna kirarira mina taŋrenanmo, mana gagamna moca, ne anna lamŋiran, na ne mina ritipacna tipembta kirarirmo ainda ranƷairan.

<sup>8</sup> Na Iesus Karaisna tipemb kirarira ma ŋour, co, mandeac, co, iarwar ndeacraŋnandet.

<sup>9</sup> Ainda moca ne kabena riptimo nena nikinik iroarmo kai watcarica ma nemo wiŋa nenmo moca ne Raraŋ Aetaniacna taupmo tikcari nari. Na aia mana kakadmaimo watcarica ma aina nikinik iroarmo, mo gagra. Na aina iroara inkara mina ainta Mosesna amta reikta

---

**13:5** TW 31.6-8, na Ios 1.5, na Mt 6.25, na 6.34, na Pil 4.11-12, na 1 Ti 6.8    **13:6** Ŋap 118.6    **13:7** 1 Ko 4.16, na Ib 6.12    **13:8** In 8.58, na Epe 4.14, na Ib 1.12, na KIEK 1.4    **13:9** Ro 14.17, na Epe 4.14, na Kol 2.4, na 2.8, na 2.16, na 1 Ti 4.3

tipemb punğa gargara mba anğiitndai. Na ainta tipembta kirarira, ma meikramtaira aında taņrenanmo, mba otacrenanna.

<sup>10</sup> Na aia ġimbamba morena taup damap. Na taup ndamtaira mina an Ndamna aiņa morenanna, mina aina an ġimbamna morena taupna amta reikmo mba anğica amitndait.

<sup>11</sup> Na taup ndamoot paņan aniaca sipsi-papa, bulmakaorta racaindpaik anğica tipemb nğorikta makukarta ġimbamba mo kecarina moa, ma an Diab Rat Nğoinna mbukrenan. Na an amta nğoaebta warirmo mina anğica larua an Israelnaņgepta eteacna auņmo raekmbaia tikca tac mbuņa rotacrena.

<sup>12</sup> Aında moca Iesus toco ma an auņ aniacna wuocna tiņna raekmbaimo anna tikca ma ġirgir maanğiat. Te, mana racaindpaikca meikramtairmo, moca mina Raraņ Aetaniacna lamniac nğoutmo, rat nğoin ndaruna, na minmo moca mina mana meikramtair koind teacnandet.

<sup>13</sup> Aında moca ai toco, an auņna raekca man ndambuņa taņca, man anğiatna numbira, ai toco an anğina.

<sup>14</sup> Na aia lamņirena, gan tiacarpaikna auņ aniac ianna memetmbaca mba eacrenanna. Aintik aia an inğmbai ndataruna auņ aniacna lambi watna.

<sup>15</sup> Aında moca memetmbaca aia Iesusna i

---

**13:10** 1 Ko 9.13, na 10.18    **13:11** NA 29.14, na TN 6.30, na 16.27, na Ndu 19.3    **13:12** Mt 21.39, na In 19.17-18, na Up 7.58    **13:13** Ib 11.26, na 12.2, na 1 Pi 4.14    **13:14** Mai 2.10, na Pil 3.20, na Ib 11.10, na 11.16, na 12.22    **13:15** 2 Nin 29.31, na Nğap 50.14, na 50.23, na 69.30-31, na Osi 14.2, na 1 Pi 2.5

mbuᅇa Raraᅇ Aetaniacna i aniac neaᅇraᅇ, na an tipna kirar mbuᅇa aia Raraᅇ Aetaniacmo gimbamba neaᅇrena kirar toco eacraᅇ. Na anna gidik, aintik memetmbaca aina upa Raraᅇ Aetaniacna imo memetmbaca aᅇgi ᅇgeᅇca aindopraᅇ, “Ma aina Kacoot.”

<sup>16</sup> Na meikramtairmo ne tipemb kirarir lainᅇa memetmbaca moranᅇ, na minmo reikca biᅇai neaᅇraᅇ. Na an tipna kirara ne iroara kai ndarekrekke teac, ainta tipembta kirarirta gimbamba Raraᅇ Aetaniaca ma toᅇtoᅇ ᅇgoiᅇ.

*Raraᅇ Aetaniaca aimo moca aia lainᅇ teacnandet*

<sup>17</sup> Na nena ramtair paᅇainda nenmo otacna toᅇtoᅇpaᅇ, aintik mina nena ritipacna watmo memetmbaca mataua watrenan. Na iᅇmbaia mina Raraᅇ Aetaniacmo mbopnandet, kaina aiᅇira mina moatnan. Ainda moca ne mina kambmo waraca mina kaᅇgauc ndeacraᅇ. Na ne ainda mo te, mina toᅇgoca mina ndorita aiᅇira monandet, na mina iroar inkara makukar kocorap eacnandet. Na mina nenmo otacna mo te, na mina iroar inkara makukarap eac te, anna nenmo mba otacitndait.

<sup>18</sup> Aintik ne Raraᅇ Aetaniacmo mbendei digia ma aimo otacna. Ainda moco aia riᅇpacrenan, aina iroar inkara mana lamniac ᅇgoutmo wandoᅇ ᅇgoinna eacrenan. Na aia memetmbaca wandoᅇa taᅇna toᅇgorena.

---

**13:16** Ro 12.13, na Pil 4.18, na Ib 6.10    **13:17** Esi 3.17, na 1 Te 5.12, na 1 Ti 5.17    **13:18** Up 23.1, na 24.16, na Ro 15.30, na 2 Ko 1.12, na Kol 4.3

19 Na aku tonjorinan ngoinna, ne aukmo Raraŋ Aetaniacmo mbendeia ma aukmo otac, te, aku nenmo tawina mac nda kipna.

20-21 Na aina Kacoot Iesus, ma sipsiparta nginaŋa morena ramoot gargar. Na ma ndona racaindpaikmo nearŋa, an leacatna kammo, moa gagraca ma memetmbaca eacraŋnandet. Aintik Raraŋ Aetaniaca manmo mukca tikca mac nda aŋgiatnan. Na mandeaca Raraŋ Aetaniaca ma nikinik iro wetwetna tip kirarna minin. Na aku nikinik iro wetwetna Raraŋ Aetaniacmo mbendei digica, ma nenmo otaca, reik lain nearŋ te, ne mana tonjona raŋgairan. Na ma Iesus Karaisna ain mbuŋa an tipemb kirarir muruŋa ma tonjorinanmo, aia muruŋ naaŋginandet. Te, memetmbaca aia iarwara mana i aniacmo aŋgi ngepraŋ. Na anna gidik.

*Timbiŋ raparna mamamaina kam*

22 Na aukna Iesusa ripacrena laiplacar, aku tonjorinanna, ne ndorita kourmo matau tikca, an aku turrina kamma nena nikinik iroarmo mo gagrana, na an timbiŋ rapara ma rocotta wanain.

23 Aintik aku nenmo gaind ndamŋina, aina lap Timotimo mina kac ngoreacnan wattacarica ma raek malaruat. Na ma kac ngoreaca mba eacreke. Na ma auk ndambuŋmo tawi kip te, aŋga muruŋniŋa nenmo kipi watnandet.

24 Aintik aŋna ra laŋmo nena ramtair paŋaindapa, Raraŋ Aetaniacna meikramtairmo

---

13:20-21 Ais 55.3, na Ier 32.40, na Esi 37.26, na Sek 9.11, na Ro 15.33, na 1 Ko 6.14, na Gal 1.5, na Pil 2.13, na 2 Te 2.17, na Ib 10.29, na 1 Pi 2.25, na 5.10



neaŋ. Na an meikramtaira Italimo tikcarica  
kiprinanna, mitoco nenmo ra laŋ neaŋrina.

<sup>25</sup> Na aku Raraŋ Aetaniacmo mbendei digica,  
mana kakadmaia nenmo muruŋcamiŋa nenap  
eacnandet.

**Raraŋ Aetaniacna Kam Wemban Lan  
New Testament in Mborena Kam language  
Nupela Testamen long tokples Mborena Kam long  
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7